

安晚堂集

四明張氏約園開雕

安晚堂詩集序

余曩讀安晚集因頗究其立身行事本末宋史極稱之至有小元祐之目甚矣阿私之爲害後世史筆之難信也當宋之世其苦外患久矣僥倖而有偏安之局亦久而後亡耳故卒與外患相終始是猶久病孱弱之軀將養之不及外邪時復侵之遂漸入於膏肓矣試觀寧理之世尙成何國家又奚論寧理以後種孽芽於數十年之前一旦潰壞於今日今之枋國者乃不幸而代前人盡受其過此余于安晚猶有可原書板幾燬勿復存

安晚堂詩集序

四明叢書

約園刊本

者也近復取其詩讀之頗怪漁洋竟施多禪語之論或又謂其近似香山其實皆未有得於安晚也夫詩之爲學虞書十二言盡之矣然在後世久已析爲二派願讀其人之詩卽其人之志行十可八九得則不誣也漁洋推近世詩宗然其工力悉耗在詞中依永和聲黍米不矢卽其思與志終不能不爲所屈矣夫僅託於言志固往往失其爲詩徒耗工力於詞中卽亦失其所以爲詩之誼然則如漁洋者其弗能有得於安晚之詩也固宜至如香山其與安晚亦爲異曲所遭之時與地固弗同

也雖然安晚亦嘗耗其工力於詞中焉今其詩猶有約  
略可窺見者徒以雅善蘊藉務使人以難窺卽其立身  
行事亦多用此術觀其相業可知焉已今校其詩刊之  
并揭發其心志之可窺稍論著之俾後之人有攷焉民  
國二十六年十月後學張壽鏞序

四庫全書提要

安晚堂詩集七卷

宋鄭清之撰清之初名燮字文叔後改今名字德源安晚其別號也鄞縣人嘉定四年進士寶慶初以定策功累官太傅左丞相卒諡忠定事蹟具宋史本傳所撰安晚集本六十卷宋時刊於臨安此本所存僅第六卷至第十二卷但有詩而無文較原目僅十之一考王士禛蠶尾集有安晚集跋亦稱僅古今體詩第六卷至第十二卷則康熙中已無完本矣士禛但謂其詩多禪語而

安晚堂詩集

提要

四明叢書  
約圖刊本

不言其工拙今觀所作大都直抒性情於白居易爲近其咏梅咏雪七言歌行二十首亦頗有可觀且清之爲相擢用正人時有小元祐之號在南宋中葉猶屬良臣不但其詩爲足重固不容以殘闕廢也厲鶚宋詩紀事從臨安四明兩志探得淨明院及題雪竇妙高峯詩二首爲此本所未載零篇斷簡幸留百一今亦併附入焉

安晚堂詩集卷首

宋史本傳

鄭清之字德源慶元之鄞人初名燮字文叔少從樓昉學能文樓鑰亟加稱賞嘉泰二年入太學

案脫嘉定二字

十年

登進士第調峽州教授帥趙方嚴重靳許可清之往白事爲置酒命其子范葵出拜方掖清之無答拜且曰他日願以二子相累湖北茶商羣聚暴橫清之自總領何炳曰此輩精悍宜籍爲兵緩急可用炳亟下召募之令趨者雲集號曰茶商軍後多賴其用調湖廣總所準備

安晚堂集

卷首

一四明叢書  
約園刊本

差遣國子監書庫官十六年遷國子學錄丞相史彌遠與清之謀廢濟國公事見皇子女傳俄以清之兼魏惠憲王府教授遷宗學諭遷太學博士皆仍兼教授寧宗崩丞相入定策詔旨皆清之所定理宗卽帝位授諸王宮大小學教授遷宗學博士宗正寺丞兼權工部郎兼崇政殿說書帝問外人因閤子庫進絲履有謗議清之言禁中服用頗事新潔者帝曰故事月進鞵數兩朕非敝不易何由致謗清之奏孝宗繼高宗故儉德易章陛下繼寧考故儉德難著寧考自奉如寒士衣領重澣革

爲屢補今欲儉德著聞須過於寧考方可帝嘉納寶慶  
元年改兼兵部兼國史院編修官實錄院檢討官遷起  
居郎仍兼史官說書樞密院編修官二年權工部侍郎  
暫權給事中進給事中升兼同修國史實錄院同修撰  
紹定元年遷翰林學士知制誥兼侍讀升兼修國史實  
錄院修撰端明殿學士簽書樞密院事三年授參知政  
事兼簽書樞密院事四年兼同知樞密院事六年彌遠  
卒命清之爲右丞相兼樞密使端平元年上旣親總庶  
政赫然獨斷而清之亦慨然以天下爲己任召還眞德  
秀魏了翁崔與之李稟徐僑趙汝談尤焯游似洪咨夔  
王遂李宗勉杜範徐清叟袁甫李韶時號小元祐大者  
相繼爲宰輔惟與之終始辭不至遺逸如劉宰趙蕃皆  
見旌異是時金雖亡而入洛之師大潰二上疏乞罷  
不可拜特進左丞相兼樞密使三年八月霖雨大風四  
疏勾去九月禋祀雷變請益力乃授觀文殿大學士醴  
泉觀使兼侍讀四疏控辭依舊大學士提舉洞霄宮及  
閩邊警密疏恐陛下憂悔大過以汨清明之躬累剛大  
之志嘉熙二年封申國公四年遣中使賜御書輔德明

謨之開賜楮十萬緡爲築室乃日與賓客門生相羊山水間淳祐四年依前觀文殿大學士醴泉觀使兼侍讀屢辭不允拜少保觀文殿大學士醴泉觀使兼侍讀進封衛國公越入見有旨賜第五年正月上壽畢亦疏乞歸不允拜少傅依前觀文殿大學士醴泉觀使兼侍讀進封越國公居無何喪其子士昌決意東還又不許拜少師奉國軍節度使依前醴泉觀使兼侍讀越國公賜玉帶更賜第于西湖之漁莊進讀仁皇訓典謂仁祖之仁厚發爲英明故能修明紀綱而無寬弛不振之患孝宗之英明本於仁厚故能涵養士氣而無矯勵峭刻之習蓋仁厚英明二者相須此仁祖孝宗所以爲盛也帝褒諭之六年拜太保力辭故事許回授子孫清之請追封高祖洽帝從之蓋異恩也七年拜太傅右丞相兼樞密使越國公中使及門清之方放浪湖山寓僧刹竟夕不歸詰旦內引叩頭辭免帝勉諭有外間所不及知者甫退則中使接踵而至或請更化改元清之曰改元天子之始事更化朝廷之大端漢事已非古然不因易相而爲之帝以邊事爲憂詔趙葵以樞使視師陳韓以知



樞密院事帥湖廣二人方辭遜會清之再相力主之科  
降辟置無所留難葵韓遂往於是戰于泗水渦口木庫  
皆以捷聞九年拜太師左丞相兼樞密使辭太師不拜  
依前太傅每謂天下之財困於養兵兵費困於生券思  
所以變通之遇調戍防邊命樞屬量遠近以便其道塗  
時緩急以次其遺發又議移歲調兵屯以戍淮南併軍  
分頭目以節廩稍先移鎮江策勝一軍屯泗水公私便  
之諸路虧鹽執其事者破家以償清之覈其犯科者追  
理望誤者悉蠲之全活甚眾沿江算舟之賦素重清之

安曉堂叢書

卷四

四四明叢書

約園刊本

次第停罷如池之雁汜有大法場之目其錢分隸諸司  
清之奏罷其竝緣漁取者蓋數倍公家之入合分隸者  
從朝廷償之報下清之方與客飲舉杯曰今日飲此酒  
殊快四上謝事之章十年進十龜元旨箴一持敬二典  
學三崇儉四力行五能定六明善七謹微八察言九惜  
時十務實疏奏敬天之怒易敬天之休難天怒可憂而  
以爲易天休可喜而以爲難何哉蓋憂則懼心生懼則  
怒可轉而爲休喜則玩心生玩則休或轉而爲怒帝大  
喜命史官書之賜詔獎諭十一年十疏乞罷政皆不許

拜太師力辭有事于明堂有旨闔門給扶掖二人再賜  
玉帶令服以朝十一月丁酉退朝感寒疾危甚猶以未  
得雪爲憂俄大雪起曰百官賀雪上必甚喜命掬雪牀  
前觀之累奏乞罷政不允奏不已拜太傅保寧軍節度  
使充禮泉觀使進封齊國公致仕卒遺表聞帝震悼輟  
朝三日特贈尚書令追封魏郡王賜諡忠定清之不好  
立異湯巾嘗論事侵清之及清之再相巾求去清之曰  
己欲作君子使誰爲小人力挽留之徐清叟嘗論列清  
之乃引之共政趙葵視師年餘乞罷上未有以處之清  
之曰非使作相不足以酬勞陛下豈以臣故邪臣必不  
因葵來遽引退臣願爲左使葵居右上訖從之然葵竟  
不果來清之代言奏對多不存稿有安晚集六十卷清  
之自與彌遠議廢濟王竑立理宗駁駁至宰輔然端平  
之間召用正人清之力也至再相則年齒衰莫政歸  
妻子而閒廢之人或因緣以賄進爲世所少云

安晚堂詩集卷六

宋鄭 鄭清之德源撰

默坐偶成

洄河見水老如新此見云何別妄真心本佛心須作佛  
境皆塵境莫隨塵空中花果浮生眼夢裏悲歡現在身  
萬事盧胡喫茶去不知誰主更誰賓

底須莫莫更休休老去浮湛一敝舟病惱幻軀天惡劇  
醉尋熟睡我先籌眼前勤惰書開闔窗下陰晴雨散收  
假使莊生夢爲蝶也應貸粟監河侯

安晚堂詩集 卷六

四明叢書

約園刊本

睡魔勾引鶴投林書債中拋筆似瘡尙有烏髭羸白髮  
擬尋朱汞養黃金寸機解起千疆畝一息能藏萬古今  
塵世何人是知己推窗明月正當心

追記覺際偶成

我到家山雪尙飛看看寒食展歸期花開無酒螻貽笑  
春盡不吟鶯有辭窗下竹君陪晤對手中杖子共追隨  
閑來目唱無生曲井底泥蛇舞柘枝

靜極

磨甌豈解成明鏡打坐如何作佛身靜鬧頭頭須認著

暑中冰凍雪中春

鏗薪

小草虛心不染塵  
傳鎗會上屢焚身  
光明一點元無盡  
謾結空花作好春

臂疼醫令灼艾戲成

幻體當如泡影觀  
法身清淨本堅完  
四千八萬陷羅臂  
艾炷教君何處安

食豆莢

西風槭槭草蟲鳴  
萬莢叢中詫瑞真  
煮啖快輸兒女吻

交晚堂詩集 卷六

二一

四明叢書

約園刊本

然其不忍尙堆青

臂疼自砭

雲長鑿骨未爲奇  
斷臂亭亭對祖師  
萬法從心當自省  
箇中冷暖有魚知

有感

子思問學惟誠意  
孟氏功夫只反身  
定慧妙明何處覓  
要知儒釋共天真

秋色佳甚未能一到覺際像景謾賦二絕

秋光澹薄有無閒  
掠水斜風雨腳斑  
試向菰蒲深處望

嫩黃一點荇花開

藕花萬柄斂春妝  
賸駐霜荷葺芰裳  
水路想通漁艇入  
我來月下要鳴榔

感風悶坐戲成六言一首示雲岑

夢覺無兩莊子是非只一東坡  
顏淵簞食爲樂啓期帶索行歌魯侯不遇天也伯寮其如命何  
世事如棋新局人生落葉辭柯誰人見  
張平叔何處覓藍采和且服單方妙藥般若波羅蜜多

秋成風雨

安晚堂詩集

卷六

二

四明叢書

約園刊本

垂垂金穎賀秋成  
去逐狂風一羽輕  
何事天工惡戲劇  
眼前翻覆見虧盈

雨後閒坐偶成

秋霖得晚晴  
景色似郊坰  
山向閒中碧  
雲從缺處青  
簷牙抽宿溜  
木杪挂疏星  
一枕便高臥  
清風入暑櫺

兀坐

夜聽寒蛩曉聽蟬  
梧桐疏雨晚秋天  
空齋抱膝原無事  
半是癡慈半是禪

香山老惠兩貓

殺活禪機本自由，順行逆用總先籌。  
伽梨親抱狸奴送，管是南泉是趙州。

香山貓食粥

梵宮新遣兩狸奴，晨粥飢餐食肉如。  
料是伊蒲三昧熟，未知繞膝訴無魚。

冬瓜

翦翦黃花秋後春，霜皮露葉護長身。  
生來籠統君休笑，腹裏能容數百人。

茄子

安晚堂詩集 卷六

四四明叢書

約園刊本

青紫皮膚類宰官，光圓頭腦作僧看。  
如何緇俗偏同嗜，入口原來總一般。

贈李相士

未遇公卿儘好看，會將碧眼照人寒。  
邯鄲夢覺君休問，試卜何時可挂冠。

七月初五日城中大風雨

颶風超海撼官城，吹斷銀河徹曉傾。  
瓦陣飛翻千鶴起，屨聲傍午萬蛙鳴。  
駢肩重足人如醉，湧溜奔雲氣未平。  
誰與箋天如帝律，壽龍斥去鎖東瀛。

聞覺際被風寄頰老

古德把茅惟蓋頭  
颺風飄屋等虛舟  
矮窗猶有蒲團滑  
也勝牀前滾雪毬

督覺際蒔茶

秋後從來數晚菘  
自鋤稀甲幾多叢  
莫辭楫楫頻搗瓮  
準擬清饒玉糝翁

偶記賦王昭君謾錄之

因覽詩話中賦昭君者命意多溺於情遂出此作

伐國會聞用女戎  
忍留妖麗漢宮中  
如知褒姒貽周患  
須信巫臣爲楚忠  
青冢不遺芳草恨  
白溝那得戰塵空

交晚堂詩集

卷六

五

四明叢書  
約園刊本

解移尤物柔虜延壽當年合議功

八月初五夢桃杏枝上皆小蕊  
頃刻開一花先開  
既而次第皆坼色殊紅鮮可愛  
夢中爲賦一詩覺  
但記其第二句戲足成之

天孫紅錦淺深裁爲惜  
芳苞未肯開爭奈東風披拂甚  
枝頭次第吐香腮

贈談命陳總屬

彈缺朱門歲月過  
生涯安樂徧行窩  
談天有口機關別  
處世無心笑語多  
自是君平忠孝在其如  
曼倩滑稽何

一帆又作鷗夷去遙想江湖聽踏歌

八月上弦夕

輕風慰貼晚雲開爲放中秋半月來待得月圓多值雨  
不如今夕共罇罍

覺際閒坐紀所見

蛛網雨中時恤緯蜂屯衙後自嬰城竹根得土筍爭長  
紙隙受風窗善鳴

食蛤戲成

滿殼濡朝夕因沙產海濟文身吳太伯緘口魯銅人雀

交晚堂詩集 卷六

六四明叢書

約園刊本

化宜分雋蛙烹肯擬倫

蛙大者名風蛤

試呈饗賦手半熟酒舍

津

督覺際植花

桂後秋蘭解出奇幽香元不許春知移根好向他山覓  
承受風光到菊籬

兄弟梅蓉是水倦曝根向暖總宜先銀臺金盞惟須酒  
不可無渠對雪天

催覺際植芥

淡交耐久最宜蔬風味清嚴莫芥如沃壤深畦須蚤計



雪中滿擬飲冰菹

觀書

連日脾胃不快  
因觀書遂喜食

肝脾何藥解清虛不用參苓不咬咀  
一種單方無授受  
明窗端坐只觀書

夜雨

依風急雨墊秋清  
疏數無時總有聲  
最是可憐雲裏月  
幾番陰翳幾番明

睡起戲筆

范蠡功成便五湖  
鴟夷未了復陶朱  
爭如終老嚴陵釣

安晚堂詩集卷六

七

四明叢書

約園刊本

千古清名一事無

謝天童老秋蘭

楚畹春曾汎曉光  
直留雅豔到虹藏  
山中不把一枝到  
世外那聞千佛香

秋色追隨入慧光  
肯攜幽卉間行藏  
深林未省炎涼態  
來爲閒人特地香

綠葉青青

音帶紫  
光極有紫  
金光聚

拈來笑處沒遮藏  
密圓應

具楞嚴偈非本非空出妙香

夜雨不睡

浮湛世事付洪喬  
欹枕迢迢度永宵  
雨細無聲簷溜滴  
香殘有燼篆煙銷  
翻盆碩鼠原欺暗  
繞鬢飛蚊始作嬌  
老去易驚寒暑變  
幾多今夕又明朝

少日無歡老易愁  
鶯花過眼一春休  
清虛未解窮耽釋  
情思誰能更孔周  
白醉慙煩簷送暖  
蒼顏惟恐鏡包羞  
爭知一點天然物  
不共浮生作去留

育王老禪屢惠佳茗  
比又攜日鑄爲餉  
因言久則味失  
師授以焙藏之法  
必有以專之笑  
謂非力所及  
謾成拙語解嘲錄以爲謝

曾讀茶經如讀律  
一物不備茶不出  
未論煮瀹應節度  
第一收藏在堅密  
摘鮮封裹須焙芳  
溼蒸爲寇防侵疆  
朝屯暮蒙要徹火  
九轉溫養如丹房  
育王老慧老茶事  
新授祕訣乃如此  
幾番惠我先春芽  
竭來細問茶何似  
我初謂師茶絕奇  
十日之後如飲糜  
頗疑緇俗果異撰  
良楛輒謂居所移  
吾言未終師絕叫  
爲茶傳法恨不早  
綺疏應合有司存  
料理如前毋草草  
對師大笑面欲韌  
三年宰相食無鮭  
長鬚赤腳供井臼  
荒寒政類山人家  
屢屢炊盡瓶笙吼  
何曾敲雪春雲走  
不如時扣趙州門

侍者可人長摸首

竹下見蘭

竹下幽香祇自知孤高終近歲寒姿垂楊曼舞多嬌態  
倚賴東風得幾時

小軒偶成

齋餘宴坐息深深萬法皆閒境會心輕浪颭荷珠溜玉  
晴曦穿竹翠籠金岸頭舟楫人歸語檻外菰蒲鳥去音  
謾說陶車并謝屐如如不動勝登臨

舊冬得萋蒿數十根植之舍傍今春遂可採擷輒

安晚堂詩集

卷六

九

四明叢書

約園刊本

持菰黃堂拙語先之聊發一笑

萋蒿見錄爾雅篇族譜系出荆楚瑤居人採擷不論錢  
橫道蹣躑如車前物有貴賤所遇然雜壘豕苓以帝言  
世間何有正味焉耆芟昌歎性所便冰盃先生壘食傳  
敢騎玉食輕膏羶天隨酷謂杞菊賢一賦金石聲相宣  
玉糝羹芋稱蘇仙天上酥醅能比肩憶昔客授湘湖偏  
乍逢此蒿口流涎嚼寒冰玉香滿咽紺滑琉璃鳴貝編  
糝以豚膏軟如綿脆甘豐膩潔且鮮天花石耳羞爭妍  
木雞退飛山之巔笑渠芽蕨成兒拳岸視棹圍眉宇軒

七菹五菜誰敢先獨能兄事玉版禪一別楚產知幾年  
孤根竭來植鄞川春苗出土含曉煙撥條小摘喜欲顛  
故人千里方言還調芼酌之雙觥船枯腸滿慰藜莧緣  
食芹而美不敢專遣送兵廚羞俎籩噴飯一笑貧簞邊

太史報芻星沒

老芻妖芒欲熱天王良見迫爲收鞭紫微一夜璣衡轉  
甘雨祥風到野田

安晚堂詩集卷七

宋鄭 鄭清之德源撰

謝虛齋和詩

關心稽事恐春遲  
釐許花風入繡旗  
翠浪半天岐麥詠

玉簪數筍刈萸詩

見山谷過  
土山寨詩

野亭寄韻追唐什

嚴鄭公  
有寄題

野亭見  
杜集

秋菊餐芳敵楚辭  
早晚催歸漢廷右  
西湖深處

樂天碑

和虛齋勸農十詩

迢遞層陰曉自開  
仙舟花底問瀛萊  
文章太守非遊行

安晚堂詩集 卷七

一

四明叢書  
約圖刊本

爲省春耕特地來

右一

燕天妖焰彗初沈  
朝汲仁賢簡帝心  
未用鋒車便脂轄

小須千里徧春霖

右二

蔽日寒雲悄欲秋  
仁風載路曉光浮  
田翁攬抱兒孫笑

竹馬橫陳未肯休

右三

問訊桑麻眞郡政  
按行松菊似家山  
挽回和氣歸田里

只費齋鈴半日閒

右四

暇日晁書六一翁錦櫺絲轡與春同年時豹尾車中望  
山色有無知幾重

右五

曉夢吟成望帝歸征鞍未許柳絲知笑聽鄖嶺春禽哢  
去博延英午漏遲

右六

酡顏醉客欲西東半溼塵衫上翠空鄒谷雖寒應解黍

安晚堂詩集卷七

四明叢書  
約圖刊本

朱車面面相是春風

右七

小隊旌旗半道歸松陰緩策攬清暉女郎未覺褰帷過  
笑語相教著嫁衣

右八

老黠山靈具六通解將蒼狗護奇峯虛齋自有青囊眼  
卻笑景純書未工

右九

恰好農時踏翠煙睡龍驚起雨公田官程便作乘閒看

不用扁舟學計然

右十

宿翠山

復與十里見青嶺行盡松陰得翠巖萬壑聲中清磬出  
一峯高處白雲緘茶新煮鼎作魚沫僧有可人能塵談  
自覺靈山綠境熟佛禪重問後三三

暖風依日佐山行幾許春隨屐齒生溪舞綠雲苔出沒  
田翻翠浪麥斜橫閒中適意榮三事歲晚無年式耦耕  
一靜可能消幻藥臘開胸次著崢嶸

安晚堂詩集

卷七

三

四明叢書

約園刊本

和葺芷應直院送秋蘭韻

大椿凌千秋靈芝競三秀書傳遞誇詡垂芳古今宙貴  
耳但奇奇相馬失之瘦誰知楚隴花遠避漢金耐擇交  
得素節彼哉懷春誘夫君全德馨內美本吾有姑置芝  
與椿秋蘭歲相壽

南坡口號十八首

十日南坡兩日晴晴時不放日華明春光似妬閒人佔  
端的春風飽世情

右一

天工忽忽度年光料理人間富貴忙閒裏何曾關造物  
一分風景亦收藏

右二

誰將春晚作冬看添著綿衣減卻難道是麥寒猶未在  
願渠麥熟且禁寒

右三

休言無地起樓臺十箇花窠沒處栽東近北鄰西近水  
且教紅白面牆開

右四

安晚堂詩集 卷七

四 四明叢書  
約園刊本

欲識魚梁試作則箇切看輕拋野淥罩清寒幾回漩起空  
無物輸殺羣兒下釣竿

右五

吾孫宗子喜相過一笑植藥似樂窩且向尊中陪北海  
直須閒裏識南坡

右六

酷愛烏鳴山更幽牆陰風雨但颺颺筠籠買得春禽語  
不爲憂時也白頭近得白頭翁善鳴

右七



管絃不礙登山屐梁肉何妨滿腹書豈是清談愧夷甫  
爲無阿堵繞吾廬

右八

試向清池放小鮮洋洋圍圍忽悠然校人真箇知魚樂  
殺活機鋒總是禪

右九

分席春畦僅一弓靈根移自石窗東  
五味子生於四明山饒渠五

味誇仙藥爭似鹽梅正策功

右十

安晚堂詩集

卷七

五四明樓書

約園刊本

紛綸造化信多才果解分風作去來我向南坡一句雨  
春陰今曉爲誰開

右十一

小窗白醉篆香遲只有書君伴燕頤料得人閒無此樂  
殷勤獻與定牢辭

右十二

板筇挂起一旬彊翦翦春寒到柳塘白髮不公欺老我  
偏於閒處引風霜

右十三

記得兒時誦古詩其甘如濟謂吾欺淡交休恨相知晚  
攜向晶盤笑殺伊

藕根春  
薺怒生

右十四

曉來兩鵲屋山鳴報喜多應只報晴似爲東皇傳好語  
故留勝賞到清明

右十五

舊日都城餵子魚一鱗今不到茅廬果然額上通三印  
盡去侯門代鯉書

右十六

安晚堂詩集 卷七

六四明叢書  
約園刊本

安晚生涯冷似灰別墅經營半月迴誇與兒郎翁驥富  
詩囊盈握送陳雷

右十七

紅紅白白其枝榮怪底山茶有寧馨倚得司花來判斷  
不妨一姓養螟蛉

二色  
山茶

右十八

辛丑仲春同黃制屬自延壽雨過禪寂

復輿掠雨到僧門帶得清閒一二分素喜堂中無偃月  
榻來寺裏作穿雲赤心莫逆唯松友青眼相看有竹君

燒葉更聯東野句紙窗鑽隙候晴曛

病後和黃玉泉韻

山屏連月款言卮擬其還家浣客衣愧失養生收一概  
笑擒夢豎竄三危大槐安國休重省兜率陔天尙緩歸

樂天詩歸則須歸兜率天

一病一衰秋後雨

舊語老一病一衰秋一雨一涼

孰言之

武老能爲

赤明淪篆正恢台戲挹雄風滌悶懷病骨喜隨新籟換  
好詩忽餽寶珠來巨魚未縱王褒壑陋室聊淹禹錫階

苔痕上階綠

且其理身如理國小須握手詠康哉

安晚堂詩集

卷七

七

四明叢書

約園刊本

再和前韻

爲乏刀圭飲卯卮

見魯直詩

黃庭空想衣朱衣三田未遣三

彭去九軌幾成九折危瘦骨可能支夜永醉鄉那復挽

春歸亦知有客真佳甚握手還須笑樂爲

若時風雨候三台憂國豐年幾入懷執戟未愁方朔死

閉門惟喜子桑來人間宰相眞如夢

事見類說

天上羣仙詎

可階事業鏤冰何所有之乎者也矣焉哉

轅門怒髮美眉卮計想當年笑解衣誰識英雄千古意

肯論性命一絲危伏波臥看飛薦墮杜曲生憐獨鶴歸

自愧此身成漫落空搔種種欲何爲

遂初雅喜賦天台牆月東邊謾古懷雖乏平泉供宴樂  
幸尋荒徑愜歸來蹒跚愧我無金汞蹀躞看君上玉階  
傍舍數弓畦藥本聊支晚歲亦優哉

難追八駿舉瑤巵肯向羅浮醉綠衣敝服眞成原憲病

枯枝幾賦仲堪危

殷仲堪與客戲作危語百歲老翁攀枯枝盲人騎馬臨深池

忘憂

擬問酒中聖覓句懶從天外歸笑傲桑榆知有幾春秋  
敢以大椿爲

茂先博物惜星台世味沈酣酷鳩懷風月自爲無盡藏

安晚堂詩集

卷七

八

四明叢書  
約園刊本

湖山誰肯愛閒來競知疾下多車乘豈悟機危蹈廩階  
幸與樂天相伴住休論達者謂何哉

病與樂天相伴住春隨樊素一齊歸

送姚提幹行

虛齋填東鄞從之南容君初我未之識邕翰傾殷勤修  
潔以博習美秀而有文玉犀映秋水英辭湧春雲雞距  
角魯蜀昂然鶴非羣晤言到聖處商也樂所聞最喜直  
而義壯音賦鼓鼗告子少於孟先策養氣勦牛山木信  
美謹勿容斧斤助苗固得槁可使稗不耘觀子所植立  
眞能張吾軍仁義可效治淵源在河汾詩書自師友芝

蘭足膏薰剛風接勁翮去去翔霄旻清時有聞者必也  
吾子云

和德夫治中林宗諭雪詩簡黃制卿

齋壇將禱肅熊貔一縷忱恂六出奇雲欲商量驚先路  
雨方收卷避催詩冰花肯教梅妝額風絮嫌隨柳獻眉  
鹽虎玉龍莊語在願光遠業瑞昌時

古風一篇簡徐德夫提刑

昌黎有名言受恩異知己而況不識面知心詎能幾浮  
雲日多變交道冷如水握手遽下石利害毫髮比人情

宋曉堂詩集卷七

九四明叢書

一約園刊本

易燥溼澁頽發九軌終然風雨晦雞鳴獨無已世變方  
下趨特立繫君子山谷未見坡氣味已相似希文非素  
交永叔甘遠徙敢謂世無人前修可專美我昔聞君名  
恍如讀青史已乃知同時深心愛敬起端平濫持衡薦  
賢職當爾亟以聞九重夜半下一紙雅志樂絃歌公車  
猶尼止賢者固難進奪情辭詔旨知賢未及用上印返  
田里閒居事幽屏黜陟不到耳賓朋有公言聲徽振商  
社入則裨國論挺挺中流砥出持皇華節光風汎桃李  
從容五六載平進付常理又聞交遊間榮落保終始不

負揚臨賀眞見其人矣夜夢如晝思髣髴眉宇紫軍將  
忽打門緘書照窗几風簾屢開闔襟期頓清泚有如崕  
陽桐知音發妙指高情激孤笑新意償宿喜得一夔已  
足失百參何恥老我豈私賀善類知有恃看君廣廈開  
大庇天下士

簷前蜘蛛

如蠶吐緯自牽纏出沒無蹤屋漏邊懷毒滿身如蝎大  
謾張羅網欲遮天

安晚軒竹

安晚堂詩集卷七

十四明叢書

約園刊本

松號大夫交可絕梅爲清客志相同英英鳳實卑餘子  
楚楚龍孫過乃翁晚際一弓彙素月暑中千斛糶清風  
小軒政欲供晨坐付交遮闌曉日東

安晚堂詩集卷七

安晚堂詩集卷八

宋鄞 鄭清之德源撰

冬節忤寒約客默坐燕品字柴作五禽戲體中差  
小佳園丁以矮梅至如見東郭順子使人之意也  
消欣然呵筆手凍筆占數語呈劉菊坡博一笑

少日愛花蟲趨趨老去凍蠶已休織水村山郭一枝曉  
忽到窗前三歎息年年雪裏自作春搔手東皇不相識  
衣冠古岸綺季至介冑嶙峋亞夫色從來魏徵眞嫵媚  
要是廣平終鐵石月香水影兒女語千古詩腸描不得  
笑馮與可幻竹君相對無言面深墨

安晚堂詩集

卷八

一

四明叢書  
約園刊本

再和

雪毛舞風學嘔趨凍落天孫碎雲織玉肌不粟彭祖方  
戲挾奇芬笑安息生憎萬花肯同調噉點壽陽聊半識  
結根不向青桂宮絕交月姊無難色誰能柔此老強項  
朝暮隆隆轉媧石春風爲媒懶結子來訪苔痕娛夢得  
人間要覓爾許清語渠肉食乃無墨

又

滕六附喧墮寒力六花未辨天機織籬菊老盡蘭始芽

浚波仙子方躡息水邊亭逢玉人照眼縞衣如舊識  
冰霜相與厲貞操蜂蝶那能犯莊色聽渠吹笛作商聲  
正音滿地出金石菊坡爲索孤山詩好句新從座中得  
二君聯璧如長城笑整雲梯再攻墨

牡丹驕春醉無力豔紫妖紅錦新織鹿解銜花空誤唐  
楚以姬歸竟亡息何如野外拚孤操照水淵然有深識  
昂昂雪鬢顏眞卿何物女子稱國色主張去聲繁華勿復  
言如對雁門二千石語君欲識梅花面好向雲巖訪拾  
得語君欲作梅花詩磨盡蓮經大千墨

安晚堂詩集

卷八

一四明叢書  
約園刊本

菊坡筆挽千鈞力翦就冰綃出鮫織謫仙笑作揚州詩  
鵬賦消搖六月息市門聊學子真隱下坐還從季野識  
清標自是孤山姿媿眠唐家六宮色芒端琢句貌疏影  
竹邊著渠牛礪石枝橫帶雪最佳趣近水清寒月先得  
語梅政可兄涪翁凍雨涪溪打碑墨

謝鄭廣文和韻

春工漚絲呈巧力紅日如梭萬花織愛花蕩子不愛命  
效死驪姬似荀息草木搖落天地閉賢哉梅也眾不識  
靈根九轉到仙品千古離騷作書色漲晴疑暖動山意



攀翻健倒蒼苔石高標底須雪後見清芬每向閒中得  
花前失喜廣文詩柿葉書成點新墨

廣文出新意得梅之全花實根葉譜入秀句輒效  
反騷一章

東風不借半分力老樹絲窠冑寒織虛枝生白獨也正  
夜氣歸根吹以息箇中灑灑無一塵無眼界至無意識  
居然暗發定慧香不取諸相了空色若於此花論相好  
是人如以木鑽石吾嘗聞之老瞿曇無有少法爲可得  
我詩當以無耳聽索梅一笑付蠅墨

寒晚堂詩集卷八

三四明叢書

約園刊本

再和

青藜不解支腳力機杼微聞隔林織暗香來處窮幽棲  
蹇驢崎嶇牛喘息山中欲訪隱君子等閒未許李邕識  
同盟頗笑五大夫晚節污秦有慚色摩挲寒玉古苔辭  
從渠喚作荆山石雪中素隱非行怪自是花閒着不得  
直須謫仙蘇二來溪藤快掃如鴟墨

雪意賈寒欺酒力思歸懶學迴文織屏山未合篆痕銷  
笑倩南枝陪燕息冰紈絳蠟入纖手素臉殷柎未真識  
兒癡認作春風面剛道杏花欠顏色香浮紙帳夢欲醒

影到窗紗月移石爲梅著語將無同左祖孤山未爲得  
吳都誇麗逸此士十年浪費老僮墨

吳都賦桃松竹而不及梅

### 和趙靜樂梅韻

伊邠作春私帝力司花女課千機織月四十五以爲功  
化工何嘗停半息老梅偃蹇傲眾芳一錢輕視程不識  
和羹肯爲媚竈計望林祇笑欲炙色莓苔被服當文繡  
冰雪定交過金石靜樂先生大雅韻始信清名不虛得  
政須草聖傳新篇安得張顛首濡墨

安晚堂詩集卷八

四四明叢書

約園刊本

真人恬漠與道息一花挺出萬木僵其友松筠乃能識  
清香遠到惟德馨素質自持無異色春工着意嬾眾卉  
用物精多老蒼石毫紅飛盡蜜房深佳處暗爲蜂翅得  
誰知竹外一枝好千載垂芳在詩墨

菊坡疊遣梅什忽惠蘭芽此變風也敢借前韻效  
楚詞一章以謝來辱

霜霧冱兮風乍力草變衰兮蛩罷織思秋蘭兮委蕭艾  
望椒丘兮聊止息恨佳人兮旣遠紛吾美兮誰識忽有  
人兮好修遺予佩兮春色茁瓊芽兮九畹帶杜衡兮被

石凜層冰兮峩峩杳香風兮驟得卜蘭居兮南坡拂余  
龜兮食墨

和趙大監知宗韻

萬里修程占學力色絲黃絹新組織只今下筆追二雅  
端如養氣閉千息公子何自知寒梅須知三長具精識  
亭亭玉雪瑞煙曉愛日香浮綠衣色自然雅韻出天姿  
芝蘭那肯羨元石我慚娉節對俚語炊沙鏤冰竟何得  
願君寫入遂錦堂冷蕊疏枝陪淡墨

再韻簡菊坡

安晚堂詩集 卷八

五四明叢書

約園刊本

訪梅常與寒角力兩鬢絲絲尙堪織弔湘賦鵬強解事  
長沙少年空太息酷愛孤芳支歲寒草木雖多懶求識  
肥遯不爲蒼帝臣白賁丘園義形色風餐雪虐眞養素  
笑枕溪流漱寒石請翻橘頌作梅賦倍覺風騷楚人得  
詩翁試爲決然疑謂余非是甘飲墨

昨雖移韻於蘭然石鼎聯章不可以不成也再賦

一則語以殿馭作亦騷之亂詞云

好惡移人信有力宮姬尙取崑崙織

晉書織室  
崑崙奴事

剛姿未

必廣平愛皓首誰憐趙岐息夷車衡蒞蓀芷荃富矣誰

騷誇博識靈均頌橋不及梅內白孰爲有精色夫何卜  
玉楚見棄素榮無乃砥砭石梅古賢人又何怨伯夷正  
自求仁得氏以墨胎端自污請效公輸爲削墨

續詩愧無修綆力意緒中斷軻母織掉頭吟坐欲成寐  
出吻悲鳴方願息君詩愛梅筆不停四疊陽關人未識  
冰壺交映雪同調秋水爲神月爭色儵然未肯弟山礬  
介如何必化松石詩壇置韻百夷姓敵壘收功劇孟得  
須君爲梅作佳傳問事玄冥煩史墨

再和靜樂

安晚堂詩集

卷八

六

四明叢書

約園刊本

夫君論事回天力斯文如貢厥篚織天葩瑞時來帝傍  
天香染衣未渠息因攜天上白琅玕散作天花天文識  
冰清誰似乃翁譽玉塵孩視寧馨色月中疏影射銀漢  
雪裏樛枝護磐石望林笑策蓋世勳萬戶侯封爲公得  
吹徹樓頭畫角春十行朝拜睿思墨

靜樂用原韻爲勸學之什再和

士惟食志非食力於陵奚事親屢織靜樂一門自師友  
簞進不爲子貢息元仲季方從太巨海內人士俱願識  
案上惟作羽籥聲

陸龜蒙

室中定無鉏帚色申旦督課如

園蔬子夜程書過衡石舉似翁嫗管其兒教育英才笑  
安得文獻超羣王謝家韋布當磨鐵硯墨

再和梅韻

北窗夢覺呼一力曙鳥微聞絡緯織推窗宛見野梅面  
帶雨猶如看花息豎白雅佔南枝先淺紅留待北人識  
宮中自是憐玉奴天上何爲愛藍色盧杞仙遊事肯隨蘭芷  
媚屈宋獨主芙蓉笑丁石愧我聯篇蟻空旋羨君六博  
梟已得梅嬾作尉竟仙去拜官無用斜封墨

再和勸學韻

安晚堂詩集

卷八

七

四明叢書

約園刊本

仕學優於服田力公儀之家廢葵織詩書爲府道德林  
樂在藏修泊遊息濃薰班馬有餘香暗摸曹劉豈難識  
插架牙籤映隙曛近竹芸編侵晚色諸生競詫邊腹笥  
正音如聞孔堂石從知車馬自稽古須信熊魚可兼得  
四科裒進惟尙賢欽想昌黎方讀墨

和葺芷雪韻

冰山鑿碎五丁力散作席花誰摑織射鵬人去飛燕寒  
擁衾內視方閉息能令赤鳳冒白羽夜半翱翔天際識  
白雲鄉中助劇戲從以萬妃紛玉色鸞招乍驚舞明鏡

虎鹽未見蓋危石乍離還合紛總總已定復飄如得得  
姑置是事先年豐有突不黔應笑墨

夸父逐日有餘力驅萬白蜺飛練織連天照耀作夜明  
湧地培堆驚壤息竹高已學槍頭勢梅近猶能半面識

坡翁笑效六一體八章聯翩韻聲色

坡效歐公白駮體以聲色氣味富貴

勢力韻

作八章麻衣忽見蜉蝣陣硯池觀魚來紫石鄭谷祇解

瘦寒句江上漁蓑正披得何如囊錦生殺紋兔園老筆

陽春墨

毛東堂兔園老筆生陽春墨葩不待微和扇

再和雪韻

安晚堂詩集 卷八

八四明叢書

約園刊本

司冬已窮造父力寒機墮指曉猶織長安貴人金屋嬌

琉璃屏風方偃息

楊園忠事

穿窗入幕兒女笑喚作楊花原

不識明珠照乘月午夜秋水連雲天一色翻縞新詩出

退之撒鹽戲語欺安石一寒最憐東郭士履穿踵決行

不得自喜猶爲孔子徒且學顏淵食炊墨

適得滷蛤頗佳遣餉菊坡因記曾作蛤子詩有文

身吳太伯緘口魯銅人之句戲綴前語代簡

文身太伯甘斥鹵緘口銅人舌微吐借資墨客富濡沫

齒乃墨魚之濡

骨醉脣香登燕俎半熟含酒老饕賦此翁僅可

闍堂戶班班傳永帶神液入室眞味翁未覩菊坡風裁  
黃豫章如食蝟蟬江蟠柱盤餐盡廢太瘦生格遠調高  
自清苦子蛤遣汝到眉梭努力去爲酒中虎諺稱海鏡  
賦者爲捉  
酒未下醜豉有何好猶侶尊羹傲滄父海之介夫此小  
兒雞肋見笑楊德祖前身曾作水解仙飛入珠宮飲甘  
露能令齒吻策餘烈一鼎松風漱寒乳

閒中口占數絕

眼欲觀書身欲眠斜拖黃卷曲肱邊不須身眼爭然否  
試待醒來問孝先

安晚堂詩集 卷八

九四明叢書

約園刊本

右觀書困甚

雨多愁麥又憂苗不雨還憂旱火驕憂國浪愁端自苦  
老夫那肯病湯堯

右聽雨解悶

杏桃結子已成翁穉綠中間着毫紅階藥元來如許壽  
麥秋天氣露春工

右濃綠中見芍藥一朵

見說烏蜂不採花羣飛啄蜜喙如鴉雖然穴食眞堪汰  
笑語園丁且放衙

右園丁去烏蜂

春魚潮擺捉洋山  
數水艚船索手還  
海若想應獲更甚  
鮑鮮無復到人間

右海魚絕少

安晚堂詩集

卷八

十一

四明叢書  
右園刊本



安晚堂詩集卷九

宋 鄧 鄭清之德源撰

林治中鄭廣文以詩來遺魚酒報聘拙語輔行

長公本喜飲半入野人腹南洲春夢婆亦復開醉目尚  
想晉流麗鼈飲更升木興來索老兵誰謂酌可獨我亦  
愛客至陶巾時一漉雖有彭澤田種秫苦不足頗因病  
入務瓢棄尙餘綠豈無大雅朋來伴離騷讀廣文粲簷  
花和靖峙修竹交情如酎醇秀句喜心沃觴政嘗卜夜  
談闌屢更僕胡爲闕宇芝但憶頽山玉聊爾遣書祇安

安晚堂詩集卷九

四明叢書  
約園刊本

得洗愁斛昔誇聖人中今愧平原督

今歲家釀殊未佳

杯手助

持螯車涎笑逢翹青州豈烏有白衣問黃菊如皋應解

顏對飲頗勝俗

梅聖俞詩獨坐與婦飲頗勝俗客對

何時赤壁遊匏樽笑

相屬欲歌鹿鳴三正苦龜藏六飲肯遺公榮雨煩過御  
叔欣聞麥兩歧況有魚百族小卻揖二豪觥船倒醅醑

謝玉泉君黃伯厚和韻

卯飲食引卮夕食不厭腹松醪醑玉池鬱尊傲黃目歸  
閒喜攜幼欣榮對夏木頗笑屈原醉寧甘馬周獨詩筒  
發豪思江月欲戲漣每廣北海詠未羨西鄰足槽規長

吉紅蟻玩杜陵綠醉鄉擬續記書眼瞭可讀時康萬戶  
春興到七賢竹筵虛豔姬舞面想宮嬪沃別腸驅藥使  
健筆命騷僕居然得良朋清辭瀉壺玉習池可聯乘步  
兵有餘斛步兵有酒三百斛誰能酒限拘強效八州督今年小  
麥好豈屑官廩麴嘉節追蒲艾早計數萸菊客中真有  
佳眼前喜無俗賦殷金石聲光粲牛斗屬句到後三三  
人誰賽六六試編諸賢詩第以伯仲叔共成杜康傳更  
歎山中族萬事付亡何乾坤一盃醪

諸君和篇摩壘致師不容閉壁再續前韻

變晚堂詩集

卷九

一一四明叢書

約閣刊本

平生周伯仁耿耿空洞腹愴然猿鶴姿豈辨鳩鷹目僕  
射不解事居士偶題木種柳僅成五樂園祇可獨皓首  
愧商隱湛恩霑漢漉城府百無有丘壑一已足詎省醉  
裙紅安識墜樓綠生經未渠諸酒頌聊喜讀耳熱聞秦  
聲浪謂肉勝竹高陽有勅者盛氣如曲沃直須殿上飲  
撫牀徑呼僕競看椀揮金幾欲斗撞玉方文食萬錢娉  
婷珠一斛豈復堪束帶靡徒揖郡督耆壽祝老饕嘉名  
豔春麴乃知梁州荀大勝伯始菊相逢作青眼洗去爾  
許俗冷然曲寡和尙有騎能屬元和一漁翁喜其學士

六吳飲閒雅奏楚優效孫叔石鼎夜未央春空雲已族  
何當一會期清驪溢寒醪

邴原解劇飲雅名稱龍腹季倫殺爲嬉席妓敢嘆目有  
酒何庸辭恐射蔣濟木但當攜酒去名花賞幽獨年穉

未足了

孔

聖米猶可漉

杜

愛屐憐猩魂奪卮笑蛇足桂

漿有餘芳桑落見重綠諫遠術尊役讓置醕飲讀籌觥

進藪肴流觴屏絲竹未憂瓶罍罄但費匪盥沃勝事在

園林家務付兒僕

陶淵明傳

釀羔截肪乳魚鳳泣脂玉鍊句

丹九轉摛文錢萬斛競詆酒中賢祇堪帳下督穿幘俯

交晚堂詩集

卷九

三

四明叢書

約閣刊本

前案障面厭方麴

楊愔語稱漫漢事

吹不落眼花

樂天詩

歸去來

籬菊華胥國遨遊無懷氏風俗登詩壇爭長破愁城相

屬二簋用坎四三客敬需六其樂時方清誰言世之叔

相從孟公座寧別輔氏族

謂鄭廣文也

一笑祝諸賢行酌天

家醪

今內醞上尊扁以醞醪

再和戲黃玉泉

黃公辭酒壚經筭捧便腹讀書飢驚聲了了崇文目跛

澄萬頃波巢寄一枝木戲題百姓眼自笑孤館獨轍涸

聊相濡神液未容漉嘯歌匪彈劍情隘殊躋足文織襪

尊黃句弦綺琴綠不見蟬杯持徒費爾雅讀坐對罌臥  
牆空有葉映竹枯腸但茶搜燥吻遲去聲膏沃主人如馬  
瘦酒使欠猩僕封溪令事思折酤媪券欲訪義漿玉喟茲鯨  
吸量眇矣龍驤斛靈根日灌溉詩課自程督試當閱醫  
經醇釀借神麴其醉靈均絲未問長房菊飲與非有期  
衣曬寧免俗杯勺雖不勝嘔泄聽隨屬嬾疊陽關三肯  
競梟博六不飲但麥豆頗勝劉文叔醉騎黃犢孫歸玩  
墨君族子爲評酒名擬號安晚醪

謝茸芷和韻

交晚堂詩集卷九

四四明歲書

約園刊本

無詩不言酒

荆公謂李白無一詩不言酒

作賦眞誑腹未破公子慳

況與佳人目壯心思擊壺聖杯廣啄木

樂天啄木曲不如此神聖杯

袖想胡旋雙妝記搖手獨

見陳陶獨搖手行

賓筵乏酬獻醴齊

催涉瀧瀾衡辦搥鼓元崇方病足曾無列屋粉空韻梳

鬢綠百篇謫仙詠十軸蒙溪讀

見顧雲池陽醉歌

有美建安矇

競爽淇園竹芒端寒煥轉胸次古今沃臥寶嗤舍郎祭

酒可令僕

漢僕射中興改祭酒

時陳南北洗頗醉東西玉雖微醺

五斗端有才一斛詩壇長齊盟筆陣嚴總督方將喝銀

雲未肯平封麴

李賀酒酣喝月使到行銀雲櫛櫛瑤殿明陸龜蒙中酒賦拔酒樹平麴封宮

宴看傅柑帝歌須和菊

德宗作黃菊歌翰林學士韋綬奉和

牛心固異撰

犢鼻且同俗尊酒日相逢我歌君爲屬歡期踐三五醖

頃虧十六

樂府庚信對酒人生一百年歡笑惟三五王績有田十六頃悉以釀酒

酣暢嗟

阮修飲狂謝裴叔

裴叔則語石崇云飲人以狂藥責人以正禮

窪尊留古製

長勺分魯族居然同老襟淺斟醞水醪

湘東有醞水故酒得名

### 謝鄭廣文和韻

鱸堂心醉經精神應滿腹溫飽非所志飲食不以目

溫公

謂今人以耳而衣以日而食

說詩稱解頤善問待攻木頗愁百斛量

孔庭惟立獨俎豆答衛問筐簞欠鄒漣

見鄒陽酒賦

曾子非

### 安晚堂詩集卷九

五四明叢書

約園刊本

養口漆園且尊足時於清夜分酌以翠勺綠

綠尊翠勺爲君斟酌

聊澆磊砢胸不廢吾伊讀每篇亦作句

來詩每篇必有亦作語如

對紀書竹相逢蓋初傾一別桑重沃融尊漸坐滿魯餽

疏拜僕衛生不自寶抑首親患玉囊無諛墓金米乏佳

傳斛廚煙爨人清蔬課園夫督粟瓶收秫田黍釀用陰

麴解同杜陵襟期醉昌黎菊赤手當縛兔

來詩有白戰之語

白

眼設嗔俗莊虛左氏宴觴肯西子屬

坡賦屬此觴於西子

酒債負

尋常會期遭百六要須中聖賢庶以展伯叔

謂宗盟也

醉入

無功鄉醒豈屈原族

漢徒屈昭景大族

岸幘一笑粲其賦醞酒

醉晉張載有  
賦酒賦

雨中卽事簡二友

怒蛙頻作灌夫罵老鶴惟聞莊鳥吟  
麥熟只應呼快活  
林間欠此一聲禽

右一

舉頭但覺雲頭闇移腳何曾雨腳乾  
衣袂未便時衣裊  
薄雲渾作晚秋看

右二

鳩能喚雨復呼晴日日長從屋角鳴  
晴雨不應關汝事

交晚堂詩集 卷九

六十四明叢書

約園刊本

強饒脣舌效君卿

右三

五月炎天正及時經絲扇子未曾持  
殷勤寄語班姬道  
只恐秋深卻要伊

右四

籀龍厭俗託孫兒  
憐竹過牆  
隔砌相過人不知借宅敲門太

多事胡牀竟日對漪漪

右五

鶯聲求友亂纒車兀坐翻思二客佳  
乞得晚晴紅照水

南坡東畔月侵階

右六

客有誦袁蒙齋得雨酬唱之什輒廣元韻志喜也  
呈虛齋使君

雷伯四月瘖無聲鳴鳩呼婦鳧浴晴星如撒沙燈吐紅  
羲和駕鞭乘赤明稚秧針水未入種秀麥浪畦猶督耕  
香車不動百龍蟄轉轆如織千蛇橫愛民太守心語口  
瘳我以旱寧無生川靈有知龜亦許異物蜿蜒歸掌撫  
一雨果從方寸來此念端誠本天與但看父老歌豐年

安晚堂詩集

卷九

七

四明叢書  
約園刊本

不用兒童學皇舞弭災肯效樂巴嘑哺民無異紫芝乳  
一年事在阿堵中四封笑溢迎門語我州瀦野同淮徐  
公方有意六輔渠上天下澤鍾惠施千里波及皆君餘  
蒙齋詩成虛齋和我樂賦之如遂初坐對聯珠飽官粟  
但有歡喜無歎歎祇今快續二賢詠不須乞米移顏書

又

媯石補天玻璃聲遇坎爲雨離爲晴金烏玉兔旁午出  
百二十官稱常明下土臣敢再拜問誰主風雨催民耕  
天江津河尾北見玉井水漿參左橫胡爲湯旱龜土圻

胡爲堯水魚頭生孰令赤地星丈許吭扼雷公仍背撫  
孰令河鼓塞銀潢勺水線流不輕與孰令卷舌自張翕  
孰令天雞自飛舞雲師族聚曷遽散電母兒號奚不乳  
黑豬渡河去無迹蒼龍銜珠噤弗語朱鳥崛強王偃徐  
烏龜縮頸老沮渠夫君箋天帝焉怒旱魃磔死不問餘  
天街清潤聯璧珠不爲乾封爲太初一兩三日誰力歟  
更唱迭和忘歛歔歸之太守不肯有歎乃聊代志喜書

又

豢龍作醢龍吞聲天公憤憤迷雨晴玉脂泣烹足媚嫵

安晚堂詩集 卷九

八 四明叢書

約園刊本

苦酒五色生光明龍雖神物畏饑吻攜朋去作天田耕  
稗禾婉婉魚蕘立高原庚庚龜兆橫漢家變理豈無術  
陰陽縱閉歸董生我貧自笑一瓢許□□□□□□撫  
□□□□□□□□甌粟屢空慚釜與彭澤曾無種秫資  
沂水聊助詠雩舞頗怪吹雲讀風訟浪愁浙米緇危語  
清時何事洪羊烹善政端無甯虎乳仁人拯溺非姑徐  
亟挽天漢如決渠我知造物識君意十日一雨焉取餘  
願君展此作霖手蘇民旱徙扶黃初在京坻賦高廩  
坐令歌頌銷歔歔病皮作計瓊玉糝辟穀寧羨黃石書



湖上口占

竇葑千般底處藏  
媧天濯熱臥湖光  
山雲旣雨猶相逐  
水草無花亦自香  
野徑徧穿人借問  
僧茶旋點客先嘗  
翻思舉世趨炎者  
誰識蘋風五月涼

戲續前韻簡幙掾林治中

梅霖妬日強遮藏  
西雨東邊漏隙光  
黃口禽鳴應乳臭  
白花梳垢似衙香  
排根荷出憐嵇紹  
遜迹尊肥晒孟嘗  
浚湖之後荷  
蕁開有在者閒處便成清境界  
底須沂水羨雩涼

煮白酒送林治中

安晚堂詩集 卷九

九

四明叢書  
幼園何木

長門思渴薦寒泉  
浪讀松醪桂酒篇  
數米釀來成玉液  
傳家方祕出金川  
白飛瓊翠應歸重  
紅滴珠槽敢忌前  
聊遣朋壺供一笑  
平分風月晚涼天

偶成呈林鄭二友兩絕

人才百年能幾見  
俗子一揖已累人  
元溫亦知有此客  
德操未省誰爲賓

聲名谷口吾宗秀  
風調西湖我輩人  
自是山巖著不得  
天教顰此伴閒身

安晚堂詩集卷九

安晚堂詩集卷十

宋鄞 鄭清之德源撰

紹定閩寇平上功省府黃伯厚載與焉余時在政  
事堂趙用甫掾西曹力言此文墨士請官以左選  
既而賞戾法迄授武階去歲戊戌用甫帥鄞乃來  
爲閩屬余浪迹湖山歲餘始一見稍稔接觴詠壺  
壺迫人間及前事有見晚恨余與之酒曰一文資  
直愿子然以人廢法雖相知如今日亦弗敢則笑  
而不怨赴調行在所贈以君莫愁之歌

安晚堂詩集 卷十

一 四明叢書  
約園刊本

君莫愁君莫愁不龜游統能封侯君莫愁君莫愁腰六  
相印一敝裘看渠涎頰與蹙足千金信矣壺中流荻花  
江月正佳耳青衫浪泣琵琶舟短衣楚製乃翁喜未必  
挽弓右丁字貂蟬本是侍臣冠有時出自兜鍪裏雖然  
萬戶將軍臂夜逢醉尉頭搶地賣薪愚婦輕買臣不信  
讀書有奇事世閒眾萬無定容桃笙木棊唯所逢秋來  
桂菊黃金叢千機錦繡開芙蓉西風也解作富貴豈必  
桃李專春風得時失據自甘苦姑置是事天夢夢君莫  
愁君莫愁雙手試捫舌在不勸君勤買西湖船打邊疏

雨旗亭酒

家園卽事十三首

水滿橫塘占曉涼  
蓮腮霞舉葉雲生  
魚兒富貴眞難比  
翠蓋紅妝擁隊行

右一

新竹地肥方怒長  
幽花晚發自欣榮  
飛來野蝶多情思  
不逐蜻蜓點水輕

右二

池荷岸竹悶寒清  
肱枕敲眠夢欲成  
珍重西鄰知好事

安晚堂詩集 卷十

二一四明叢書  
約園刊本

隔河送過讀書聲

右三

千巖萬壑自秋春  
靜處觀山能幾人  
疊得假山人競看  
世間宜假不宜眞

右四

綠陰樂去聲靜未號蟬  
藕葉扶嬌汎水眠  
輸殺蜂屯深閉

壁畔糧宿飽蜜中邊

右五

侏儒飽愧東方朔  
媪母呼回郭舍人  
博局由來更勝負

雉盧那復較疏親

右六

早作南風午北風  
暄涼翻手雨無蹤  
田翁舉似霖霖日  
腳踏鳴車笑殺儂

右七

書帶環生繚岸青  
葉間蟲篆學陽冰  
墨池文冢非難化  
芝菌從教子厚蒸

右八

樹底鳴鳩相唯諾  
花間飛蝶自綢繆  
二蟲得失聊堪笑

安晚堂詩集 卷十

二四明叢書  
約園刊本

鴻鵠誰能問弈秋

右九

遊魚繞石日千里  
反舌鳴聲已百能  
老鶴易飢增廩稍  
乳雞勤哺領孫曾

右十

客有可人君子竹  
書無同至大王風  
此風此竹堪誰共  
著得茶經桑苧翁

右十一

人心似鐵爐猶在世  
事如碁路不移閉著  
目光牛背上

英雄千古竟兒嬉

右十二

老紅擬佔春光住嫩綠枝頭更嬌妬隨風宛轉未肯落  
猶作霓裳羽衣舞

右十三

又

樂天故不憂作德心逸休難蟲笑杜甫蝴蝶夢莊周苛  
政猛於虎踐田奪之牛書傳亂人意周易在牀頭

詩別可齋陳制置移鎮吳門

安晚堂詩集 卷十

四 四明叢書

約園刊本

恭惟上明聖宵旰親政初朝有快活貫野無薄笨車我  
獨何因緣濫持鈞與樞妄意在人物搜羅到巖墟穆之  
百函至酬答疲倦舒雖云得梗概詎必相賢愚君時藹  
廉譽一再登除書公牘恥私謝直語非貢諛尙無赫蹏  
箋而況雙鯉魚元龍一世豪名下定不虛我歸海之濱  
偃息田園居生平舊交遊相忘付江湖軍將忽打門君  
書來自吳韻橐富鴻筆硯銘出龜趺興懷向寥泬論文  
逮荒疏自言久愛敬今始通勤渠不爲熱翕翁不爲暖  
姝妹云何好尙眞夔與世俗殊意者元城賢待以涑水

迂獸旗畫星壤龍藩開玉符老我歎蒲柳投閑託枌榆  
味言喜啖蔗秀句嫌催租的知我輩人調度非轅駒子  
長固多愛舍苑乃集枯梅花倚瘦竹清芬借敷與常恐  
硬黃紙喚歸翔紫廬問君立朝節蹇諤辛毗裾問君治  
理效所至桐鄉朱正爾澤東履俄然移右扶借留此截  
燈來暮彼歌襦譬之絳霄雲來往本自如君亦何心哉  
此事姑置諸但惜君去我有唱誰和余寒山尙餘雪江  
闊征帆孤揮毫寫別恨臨風獨躊躇

懷可齋簡林鄭二從事

安晚堂詩集

卷十

五十四明叢書

約園刊本

可齋嚴冷如古書莊語敢下鉛與朱讀之不厭味有餘  
簫韶聞奏愁爰居文墨政事同機樞照人炯炯懸冰壺  
昆弟親我同二蘇對牀風雨夜夢俱別來半載意鬱紆  
賴有二客能從余或寄可齋雙鯉魚道甫問訊今何如  
仁晴觀蜂房戲占

蜜蜂家計千頭奴日併花課供蜜租粉紅黃白各本色  
擁腫雙腳尻爲車採花歸來不知數一一到門如合孀  
方春乳房湧金屋子弟分王遣之國廣輪處處成甘州  
饑口齊啼不遺力蜜脾割盡封蠟廬畢歲辛勤用謀食

秋深冬早未見春嗅芳咀華來藻蘋釀成餽糧香滿室  
日日飽衙知愛君問誰食蜜還主臣阜財富國今何人  
糟彭蚰送葺芷

月腹一寸能郭索黃流在中自濡殼蝥蟬可是丈人行  
螃蟬眠之師長伯二眸挺出勝怒蛙八跪前驅非屈蠖  
笑令樊噲自橫行何用呂布須急縛備糟吸醪乃吾味  
嚼齒穿齧未渠惡屬厭祇覺一解勝效美不辭雙距落  
蔡謨但記尊足存孫卿不悟鐵成錯謾誇右手亦持螯  
水中之怒無乃虐梁王菹醢猶至今千古吁嗟漢恩薄  
太真小物自足佳葺芷一笑爲飛白

再和且答索飲語

海途之人暗摸索如龜自遮聊以殼沈湘雖避屈三閭  
斷髮奈逢吳太伯周官自詭蠹羸蝼羲經敢並龍蛇螻  
嫗妃投寶甘骨醉俗以羣雌距掩爲佳舌味無心寧法縛黃詩未  
足助盤殮吳稻詎能爲歲惡尊前介士尙錚錚海底漫  
郎終落落帛解試聽響犀瓠玉指爲渠代金錯掩羣而

取僅遺小誰念坑降秦政虐二螿六跪冒族姓穴居頗  
笑鄰之薄縱令膾足亦可喜中有妙解木應斫臈擬新  
筍問揚字先賦南烹仰韓學蠨山馬甲不易致岸下紫  
鱗方物躍主人鶴鶴真耐痛笑許子彭如水白

諺語有鶴鶴日至水濱羣懈相與捕魚蝦飼之  
以爲常一日鶴鶴語懈曰施而不報非禮也吾  
喬木巢成亦可延賓客能從我乎懈以無翼辭  
鶴鶴曰此易耳子以雙距鉗吾足我爾身也懈  
悅從之一飛戾空懈懼鉗益力鶴鶴痛怒罵之

安晚堂詩集 卷十

七

四明叢書

約園刊本

懈笑曰作主人乃爾痛耶

鄭德言暫館於別墅

我如杜甫逢王翰君似梁鴻領孟光花竹自慚非獨樂  
杼機聊喜聽鄰牆賦成寧笑老僮父獲熟定容同舍郎  
他日楊花飛燕子可能長記陸宣莊

安晚偶成

五物中間著一翁園廛隨分可支筇章施采服花妝露  
夏擊鳴球竹嘯風疏種密栽觀木漸淺流深浚養泉蒙  
眼前邱壑無佳句自哂詩腸苦米窮



和鄭制幹遷居

帝遣夫君侍玉除，  
爾雲飛上駕龍駒。  
兵談暫此棲油幕，  
荷隲居然見子都。  
風牖喜便鴻案舉，  
月臺長對兔輪孤。  
孟嘗幸舍非吾事，  
徒愧荀林爲送孺。

和鄭制幹謝借居且惠朋樽醉螯詩

平生愛山林，里居想王屋。  
孤月自無朋，斷雲曾不族。  
詎知嚴遵市儵有，賈誼卜西湖。  
就索居漆園，問尊足翟門。  
羅可去軻宅，仁已熟似聞。  
結駟多每見，後騎屬魯臺。  
時遣餽監侯，已發粟競歡。  
王儉蓮肯問，顏公粥家貧。  
願鄰

安晚堂詩集

卷十

八四明叢書

約園刊本

富蒹葭欣倚玉，頗容滑稽叟。  
來筵堂上燭，猶能辨絲簧。  
漸近不如竹，濁醪恩兵醢。  
庸行參聖讀，願爲善頌禱。  
旣醉備五福，謀婦擬提壺。  
敲門驚啄木，持螯兩從事。  
來就桑下宿，美味均適口。  
雙明喜增目，命駕匪千里。  
星言媿不夙，聊句乏追韓。  
補詩聊繼束，終當效樂天。  
駱馬爲酒

題雪竇千丈巖

並海危峯駕六鼇，  
招提深處綠周遭。  
膠松直上睡龍起，  
怒瀑飛來風虎嗥。  
坐向亭空雲作伴，  
待看身與月爭高。

山靈意我酬清賞爲酌冰泉讀楚騷

林治中近有捕虎之役調以拙詩

豺狼當道實堪嘖就乳於菟笑楚臣  
馮婦下車宜眾說將軍射石見心真  
渡河應避馮河勇搏獸終歸舞獸仁  
他日朕虞須命益九官濟濟定相親

比以拙詩戲調張籍不知作者已盈軸矣輒和兩韻

展也虞朝庶績熙合修厥貢暨熊羆兕  
容於野雖非地豹澤其文似識時  
毛革正須供有用血牙安事殺爲嬉

安晚堂詩集

卷十

九

四野叢書

約園刊本

國僑惠政人誰犯虎聽多應謝子皮

虓虎寧如龜有知陸行端自觸危機  
縛渠呂布還須急驅以王尋謾失威  
肯使黔驢呈短技直教獬騎合邊圍  
惡盈詎必分人獸猛獲終擒自衛歸

宋人請猛獲於衛石祁子曰天下之

惡一也云云衛人歸之

圃中問訊梅友老幹疏花有足喜者

洗出金灘鎖骨沙種成老樹競杈枒  
冰霜歷盡肌生玉窗牖寒深影到紗  
舊歲枝頭新歲景十分好處一分花  
誰言冷圃惟秋菊春意撩人乃爾耶

安晚堂詩集卷十

安晚堂詩集

卷十

十

四明叢書

約園刊本

安晚堂詩集卷十一

宋鄭 鄭清之德源撰

謝徐德夫右司和御製賜詩

直道何曾較尺尋昔賢垂範到斯今  
臯謨勉歌元首說誨言言沃朕心  
幸遇千齡開聖治頃塵三事愧宵箴  
奎文衣被真難報盟誦新詩愛助深

竭來林下破天慳要使明詩見一  
閒齒屐印苔春縱步頤壺蒸粟晚  
加餐夢魂飛到味書閣世路牢封  
函谷關翻笑醉翁猶未醉黃金白  
鬢詫腰環

德夫家有  
味書閣

安晚堂詩集 卷十一

四明叢書

約園刊本

和林治中雪詩五首

學天滕六勇如貔移下瓊臺撲凸奇  
老盡青山真是幻從渠白戰更無詩  
馮闌且喜明雙目嘶騎寧愁到十眉  
謂撤戍也坡詩長安畫手騎  
十眉云云中有漁陽胡騎嘶羔酒不妨敲竹韻園林正  
好樂清時

右一

兒嬉犯凍搨文貔怒眦張脣狀崛奇  
圖得形模規婦笑絕憐冷落賦翁詩  
幕談多暇堪娛目喜色排寒爲上眉  
頗念袁安正高臥柵柴煨芋了年時

右二

鹽虎模糊憐豹貌豹一作貌玉峯高並自多奇春先北苑供

花事夜入西淮奏雅詩銀闕勢增開雉尾賀班香近列  
蛾眉看君來歲廣酬筆移在儀曹進表時

右三

白旄麾徧牧郊貔羽扇分飛更出奇凍裂弓鏊元濟縛  
齒殘氈毳子卿詩蘆花夜月凝溢口梅玉春風侈蜀眉  
坡雪詩有玉梅春之句一幅溪藤知幾返鏤冰冷語不驚時

右四

安晚堂詩集 卷十一 二 四明叢書 約園刊本  
驅糞豺狌豹猶貔獵騎漫山伏正奇瘖手草成熊館賦  
掩羣驅入兔罝詩獸奔駭類淮淝口狐媚讎摧虢國眉  
膝六倚渠眞誤事大寒不出是知時首句見爾雅釋獸連文

右五

因會古外切來詩再賡原韻

組練橫陳壯士貌想因舞羽去窮奇千山白髮存公道  
十日清吟費老詩待伴易銷春有腳交光最勝月如眉  
只愁無著梅花處東絹平章付伯時

續詩之寵依韻以謝

莫搜險韻續貓鼯雪景須知雪後奇日絢寒光莊淨界  
梅將眞色薦新詩試敲折竹煎茶舌旋覓遙岑出黛眉  
油幕輸君談笑樂聖杯正是一中時

村邊以湯婆樣惠示與詩俱來依元韻

惠中秀外更清便姪姪嬌羞二八年無奈畏塗生衽席  
寧教寒夜折冰綿遺來勸嫗知君狀擬伴涪翁到曉天  
只恐花飄陶學士風流未了續膠絃

再和村邊解嘲

閒身惟向靜中便暮景侵尋絳縣年失解眞精昏默默

寒晚堂詩集

卷十一

二四明叢書

約園刊本

且觀玄化息綿綿溫柔鄉裏誰能老冷澹生涯別有天  
笑撫腳婆爲法喜漆園何必問經緣

緣督以爲經

暖足番君老更便摩挲笑問阿婆年聊吟夜月移花影  
肯向春風逐柳綿自有散花居丈室何妨姪女共壺天  
鉛華列屋諸君事乞去聲與寒梅了世緣

造化眞機動靜便誰云巧智可同年藍田日暖煙生玉  
闕嶠霜濃木有綿萬象回春皆是玉一花不實豈其天  
吾身太極元同運陽長陰消在所緣

和葦芷筍詩

我貧每笑齊之觸晚食雖甘未忘肉梅肥尙餘風折綠  
溟滓餐英命騷僕藩籬劔彼羝角觸送似玉堂如楚東  
惡詩聊賦徐凝瀑妙句飛來漱鳴玉曾無導吏隨買餽  
坐遣跛奚委葵菽茁芽勤視緣坡竹期飫伯仁空洞腹  
書腸膏腥士之辱得魚不敢餉羊續要知菜味勝山谷  
步趨強顏髮曲局盤有美茹無不足陋矣王芻箋衛澳

贈許石田爲僧

平明對鏡良獨難子能脫屣彈指間戲視此身如髦鬣  
冠巾擺落逃儒關千鈞強弩一笑彎萬錢買盡江南山  
厭渠世路車輪殷赤腳健倒苔痕斑參寥佛印若是班  
江湖風月不汝慳汝狂方醒眾所謹我獨見之爲三歎  
辨詰孔釋語可刪白雲深處輸君閒

和敬禪師茶偈

飯罷茶來手接時箇中日日是眞機建溪顧渚君休問  
冷暖如魚只自知

睡蛇纏繞黑甜時棒喝全提落鈍機管取一甌先著到  
三更日出有誰知

魚鼓纔休客至時摸頭原是最先機不須吸盡西江水

一滴曹溪味便知

贈育王堪笑翁

問訊瞿曇老比丘靈山何似雪山頭笑翁底事真堪笑  
面似鞞皮笑未休

蔬圃

活計園蔬日日新杜陵差慰婦長貧旱薑水芋年時熟  
春筍秋菘意味真畦甕膾分三伏雨露根常占百花晨  
荷鋤未省勤耕稼猶愧師門學圃人

和林倅賦郡守隨車雨

東坡先生詩集 卷十一

五十四 朔叢書

約園刊本

旌車勤雨拂參旗大士圓通現白衣爐穉輕煙方先路  
雷門急令已宣威爲霖賸作西成計書歲誰云大有稀  
賢守劬躬民國念食言應笑魯臣肥

和白雲老禪二偈

閱盡恆河水上波聲塵何似泡漚多還師拍板鉗鎚後  
更唱誰家別調歌

簷鐸吟風月半凹黃金布地欠誅茅三更出日眞光景  
大好欽身正笠包

靈隱慧上人惠詩爲古風以贈



貫休齊己唐詩人當時逸氣警紳聲名響響逼甫白  
幽蘭直與梅爭春誰知北面石霜老服勤杖屨皆終身  
二公所得當蓋世英詞傑句風中塵至今傳者以詩重  
妙處反爲詩所湮弄翰戲墨雖佛事炊沙作糗成飢唄  
不欲詩工與字巧緒餘能奪道之真心宗一了萬法具  
辯才飛轉陶家輪君不見阿難多聞及辯慧呪語要敵  
摩伽神

天育二老禪惠示經佛偈答以十詩

二老毫端一滴曹喚醒寐語沒切切更無慧可安身處

安晚堂詩集卷十一

上八四明叢書  
約園刊本

作莫當時立得牢

右一

餘塵明絕強分離菩薩如來是阿誰既道本來無一物  
將何芥子納須彌

右二

龍宮海藏自分明搥擗灘頭一任傾因果若還終不昧  
政須防作野狐鳴

右三

書經猶有遮箇在畫佛何曾夢見來玲石玉峯雷雨過

梅花昨夜一枝開

右四

三經已是太多羅州去休休更問婆箇裏幸然無一事  
何須終日把甌磨

右五

四十劫來閒坐休忽拋長舌鬧籃頭若言面壁爲心法  
瞿老還輸第一籌

右六

懵懂維摩不二門略無遺囑付兒孫普賢若匪剛饒舌

安晚堂詩集 卷十一

七

四明叢書

約園刊本

此事如何更吐吞

右七

老胡無聖亦無言鷲指虛空喚作禪掌血條痕無著處  
教誰白地患青顛

右八

般柴運水老龐禪佛法無多在蜜邊餅汝將來還與汝  
因師交點更團圓

右九

生老年來病已深灸癥著艾復難禁六根四大元無有

何處求師下一鍼

右十

鄭德言親覩洛伽觀音相遂依所見繪畫朝夕嚴  
奉且求贊語敬題其傍

具足圓通性一念本昭徹佛我與信心是三無差別凡  
人未見聖如渴以河說佛身忽現前如水印秋月心精  
自開遮見根匪優劣念中有大士珠璣百寶結補陀洛  
伽相在在猶日揭是名爲正觀倒想作奇絕稽首圓通  
尊茲念無起滅非想亦非念不盈復不闕唯然觀自在  
無眼耳鼻舌

拙偈調偃谿上人

昌黎先生入山裏大顛牢把數珠子松下經函著淨瓶  
照管習之翻卻水丞郎滿擔江西禪行行勘辨擦天鼻  
偃谿爛嚼雪窗紙換卻舌頭別參起

雪窗董丞相將指平謙安晚來訪因舉似偃谿爲

下一則語

佛法方當惡劇時偃谿笑裏袖鉗鎚不教管領千雲衲  
打徹頭關更問誰

簡雪窗董寺丞

世路機心走兔迹雪窗一縷不遮藏  
雲梯月眞遊戲茅舍何曾外玉堂

聖賢事業在心榮禹稷顏回豈異觀  
世故波瀾同起滅姓名千古要清寒

山間大風雨晝夜不止聞松聲撼牀  
戲成拙語謾錄呈茸芷參溪

顛風橫雨窮山秋樵青迢擔車停輶  
松聲撼空吼萬牛轟厖勢欲傾不周  
晨雞扼吭暗且愁百鳥何敢相喧啾

交晚堂詩集 卷十一

九四勇嚴書

約園刊本

恍疑趙壁環諸侯呼聲動地鏘弓矛  
又疑變化鷓鴣儔垂天鼓翼南溟  
陬或者挽翻河漢流電飛霆擊龍蛟  
虬不然火烈陸渾丘天跳地踔啼熊  
猴狂吞很吐山裂鳩大音奔騰怒相  
投夢中驚回仙枕遊分明夜宿浙江  
頭三更潮水掀椀樓蒼茫起坐擁黃  
紬觸屏喚作錢塘舟此身端坐巖之  
幽如何兩耳不自由乃與喧寂爲湛  
浮影蛇石虎以妄求世間萬事浪喜  
憂大學能定心逸休疾雷破柱方夷  
猶直須養浩師孟邠風止韻作商聲  
謳和複岫庵磨酬之什

勝地來休沐山程懶忌前草堂新杜曲詩格舊臨川客  
乘千珠履翫琴百澗泉參尋幽路滑空想石頭禪  
大雅千巖秀清標萬玉前醉扶有宗武屬和得師川境  
勝堪勸月詩香可釀泉竹林風度在枯坐笑他禪

安晚堂詩集卷十二

朱鄞 鄭清之德源撰

和趙仲道賦菜畦春富貴

多生菜氣粥魚僧味菜還如好色登戲學挑根和露煮

正堪摘稻配香蒸

見誠齋詩話

芝田不減商山樂蔬食誰言孔色矜

孔子見老聃云云去而驕志與矜色

蒲筍祇應維菽美鏤錫何必羨韓膺

送林教授行 戊戌九月

玉壺仙骨產蓬萊客授京璜雋武開曾向西山傳墨印

安晚堂詩集 卷十二

一四明叢書 約園刊本

魯直墨以傳千古文章之印

好遊東觀籀蘭臺青雲直上輕餘子黑

髮誰量未易才側耳韶簫充雅奏願同觀樂詫州來

石鼎煎茶午夢醒羊腸怕聽繞車聲剡舟忽至驚安道

漢使新招別子卿交誼從君知絕俗彫年如我最關情

鸞鳳先路爲時瑞肯卜筵尊詎獨清

安晚園戲占

橫塘雨過水初平浪影窺窗一孔明籬下觸羝五鹿角

林間反舌百禽聲柳公權可送行客梅子真能竟渴兵

誰道夏園無所有蓮花端可傲張卿

九日卽事

安晚閒身晚更安，蛩宵無夢落金鞍。  
通心白髮難爲染，對面青編儘耐看。  
多謝紫萸占老健，喜招黃菊伴秋寒。  
江城借默生輕暖，忽有鳴蛙卻爲官。

費畦籬戶小園林，獨鶴相陪省一琴。  
老眊官年從實錄，貧依國息寄橫金。

每從官庫子錢

詩盈弓力猶能寸，客值騷星

且枉尋楓葉，似知酤令綬。漂搖醉臉出，牆陰

童孫競爽祝雞翁。點勘凡將句讀中，戲指丈兄誇少壯。

樂天有張文殷兄詩

懶推庚甲問雌雄，窮秋對展三更月。迴夜傳

安晚堂詩集 卷十二

一四四明叢書

約園刊本

呼萬竅風逗曉東窗，相管領舉頭濼濼日車紅。

題偃谿聞長老堯民擊壤圖

炊煙萬井著僧居，人在康衢畫不如。寄語偃谿崖淡墨

圖中添我一柴車。

謝林治中訪別覺際庵

野服芒鞋踏蘚斑，千峯約飭整雲鬟。  
山行陡覺精神健，老去惟貪耳目閑。  
步武來尋僧舍舊，話言應想夜窗閒。  
錢湖難買歸鞍駐，料得春衫憶素蠻。

正月晦夕夢中作偈覺但記其首兩句遂於枕上

足之錄呈慧上人

是身本虛妄覓主了無得誰知日用間顛倒由六賊茫茫前後際生滅在空色賊去主人歸渾家不相識

因筆記賊入空室頌

平生一片癡妄想室中物自言當可待到了貧徹骨一宵入人家百寶認彷彿揀得真金身明處是泥佛

乙巳三月出湖口占

幾朝花片落書奩未信春光已屬厭猛省清明今日是家家青柳壓朱欄

安晚堂詩集 卷十二

三 四明叢書  
約園刊本

又

曉日殷勤爲著鞭微風逐旋約輕煙東皇景勝渾如舊西子妝濃許近前檻外客山今對展嶼時朋酒占初筵十年重訪蘇隄柳總付春光入畫船

到龍井寺

竹門斜倚酒家帘石路高低記水簾我背老農驚僮僕乘肩癡女笑窺謁數羝人立攀籬落一蝶兒嬉掠繖簷款約朋從歸去路馬頭應有月纖纖

山圍古寺綠周遭一箇軒騰面勢高爐篆得薌抽露穗



石泉借茗作雲濤風流二老歸靈鷲筆墨千年續楚騷  
拙語留題冒蛛壁暗中摸索愧劉曹

底忙不肯訪禪林山寺何曾避客深奇石韻高非令色  
老松皮脫見真心簷牙徇鐸關幽事溪曲無絃出妙音  
拂拭少遊碑好在姓名曾記落碑陰

十里輕軒憩佛廬夢身差記蝶蘧蘧伊蒲巧作魚蝦樣  
矮筍新饒繭粟株暫到欲陪僧夏靜等閒生怕俗塵污  
計然老去翻多事空挽西施向五湖

旌德觀

安晚堂詩集 卷十二

四明叢書

初編刊本

瀛丈移從弱水間君恩沖奐得躋攀茗香壺酒成三事  
巾褐枝筇佔獨班境勝亦能充道勝官閒何似在家閒  
玄都猶有桃花在更向西湖訪好山

綠蓑青笠慣孤蒲錯認東湖處土居舟尾笑迎車後客  
渡頭催買網中魚水程趣戍半規日山意論交千卷書  
歸去重樓試疑望恍曾雲氣瀟淩虛

又

半生東甬數間屋一日西湖十首詩回首風光少年客  
春山擁翠作蛾眉

賜第登樓

避俗嬾成癖登樓睡失魔忘機鷗自下開檻蝶相過高  
處景差勝靜中春更多君恩何以報歸夢欲如何

又

桃李漫山不是春紛紛蜂蝶趁遊人梅花已帶春歸了  
分付垂楊灑路塵

病思歸心走兔遠白噉幻境未渠忘并州便作咸陽看  
設若桑乾亦故鄉

觀王導傳作

安晚堂詩集 卷十一

五四明叢書

約園刊本

江東老子惠之和九錫牛車愠蔡斐不殺伯仁君信否  
澹然推分意如何

閩中偶成

病覺身名小閒知日月忙篆香雲四合益篠竹千章慧  
性乾成障愁懷弱未張何如莊宇定虛室自天光

春過日初永睡餘人未炊露花心翼翼風葉喜沾沾殿  
後蜂尋穴懷歸燕語簷垂楊在何處落絮點疏簾

孟童子中異科而還來訪余於行都賜第輒贈以

詩

在昔昌黎公序贈張童子獨出超等夷芳名駕青史君  
門藹世勳夔軼西平李宗社方同休彪炳見孩穉天庭  
插犀角星眸炯秋水誦詩如焦琴高下函角徵朱門其  
駭聽洗此箏笛耳老翁欲答兒眼看拾青紫一朝聞九  
關賚予出周筐我朝旻與楊炳炳貴名起願子志遠大  
勤學踵前軌家尊我相知作詩贈歸騎

東湖送藕與葺芷

草木誰無知葉落能糞本榮枯遞乘除苗實自穠稔東  
湖百頃蓮夏日傲趙盾州家浚河渠獮薶甚耘墾長身

安晚堂詩集

卷十二

六一四明叢書

約園刊本

萬柄荷髦梗付鋪畚寒煙熨青鏡時有白浪颯水解毓  
仙骨根著泉源混外乾乃中腴下益寧上損淤泥胎玲  
瓏多節竅渾沌園丁亦善沒孽波沸魴鱒象株忽仰浮  
登岸殊袞袞誰知絳縣塗可試平叔粉名非玉井船實  
過秋蘭腕香敷雜燕豆蒗菜補中壺交黎能養生護草  
亦忘忿空言出好事孰與津燥吻贈君擬條冰差勝羞

藻蘊

送新薑與葺芷

仲尼胡不徹薑食損智深譏藏戲劇將以愚民豈其然

牛山失喜爲動色，拗執誰解鑄。此老一時盡說契胸臆，  
我疑念之神農書，增壯胃腑良有力。呂令音商其味辛，  
調筆魚蔬葉香稷。方冬沃土培其根，隴畦分封隨壤息。  
長豨視苗廬獻新，先時斲取奮鋤棘。青條斯拔薤木重，  
紅箕半露菱包側。駢指驚看產漆園，胠足疑爲導積石。  
欲搗芳辛入齋臼，爲憐膚理傲金狄。僕命齊茶沆詩雅，  
肩差梅桂班內則。笑加束縛代書經，持助饗庖餽銀鱠。  
早年宜薑諺有之，今歲雨多生意賚。小摘酸寒類甲菜，  
大何嬰冒期膝席。公羊穀梁汝往哉，反音一笑當勿劾。

交晚堂詩集

卷十一

七

四明叢書  
約園刊本

稗官有記公羊穀梁並出一人之手  
其姓則姜蓋四字反切卽姜字也

山間錄拙作求教葺芷俚語將命笑擲幸甚

老我愧不學，無以祛六蔽。短綆赴修汲，深淺忘屬揭。每  
逢撲凸篇，如對葛答謎。敵壘或致師，何以禦柴曳。書林  
倦回旋，筆徑宜睥睨。獨自搔背痒，誰與解襪繫。誤墨拙  
成蠅，飲醯凝衆蚋。器成多苦窳，草創類茅蕝。未善文心  
雕，曷助葵足衛。樂只正始音，盡發文豕瘞。古意窺九疑，  
詞源決三澨。英口韻風雅，蠶蠶規詰齷。精剛拳健鶻，爰  
帖律狂獬。解注卑蟲魚，獻納笑蝦蟹。讀檄頭愈疾，聽語

巖著筭風高補釣臺天朗摘蘭襖合止按商甬刮磨出  
廉銳妙指曲不傳奪胎骨可蛻神鍼如運斤匠屋去眼  
翳又如大醫王封胃滌淫滯萬象困蒐討瑤金拔昆麗  
司文當執衡卻掃甘擁篲空山闊遊從思君願言噫燕  
詞薦藜藿香茗待薑桂翳桑急壺殮毋爲答飯髡

書西湖雷峯雲講主草書

寶慶丁亥夏

余以職事出郊歸塗午漏下通暑於雷峯老師肅客  
乃二十年前所識雲上人也因索草書縱觀成古風  
十韻以贈

安晚堂詩集 卷十二

八四明叢書

約園刊本

雲師一生耽聖草銀蟻蟠空觀天巧老來逸氣未全平  
筆底鋒鋷猶獨掃開關勇士爭赴敵劒戟弓戈奮相綜  
睡龍決起求領珠剗木抓巖紛怒爪風雷喧底撼坤軸  
飛電交橫印清沼忽然天宇變空澄千丈孤峯立寒峭  
張顛驚號智永泣剝筋椎髓爲君飽恨予不習草書訣  
九轉枯腸祇自攪雲師雲師汝誠能春蚓秋蛇幾時了  
何如認取主人翁破衲蒙頭紙窗曉

送黃伯厚入廣

五行在天地惟水明且清如何南中泉乃獨以貪名水

號黑與錫，神沼稱澤。徑彼皆有其實，所以得此。蜂山川日秀發，九疑羅翠屏。扶輿產清淑，丹砂銀石英。有泉出其間，冷然堪濯纓。政坐貪夫累，土炭滷玉冰。桓山以魑，故至今人羞稱。柳子愚其溪，百世相因仍有如此白水。好貪豈其情，我欲招夷齊。稷之南山打一洗，萬古貪涌雲歸東溟。夫君數潔己，贈以貪泉銘。

送繼一郭處士

聖君如堯舜，豈無巢與由。計然亦何慕，五湖一扁舟。之人久不作，側席思嚴幽。嘗聞鹿何君，清芬徹凝旒。重華

安晚堂詩集 卷十一

九 四明叢書

約製刊本

錫嘉號見一光林丘，誰謂雅道息。競風日悠悠，脫冠掛神武。有士歸東州，笑將金闈籍。猛博處士裘，鈞天爲開顏。曰此夷逸儔，大書繼一字。虹光屬奎婁，宸章軼鱗袞。正聲出天球，清名獎靜退。下視古素侯，睿謨廣先憲。矜節追前修，況今韞眾雋。丞弼登虞周，明時樂閒暇。出處自不侔，赤城宅仙子。登陸方蓬洲，君歸訪司馬，坐忘春與秋。方瞳照綠髮，戲轉黃河流。煙霧肅通客，隱者應輟輟。效乃輔行色，春風生柁樓。

安晚堂詩集卷十一

安晚堂詩集補編卷一

宋鄞縣鄭清之德源撰

宋錢塘陳起宗之輯

妾薄命

妾有一片心奚啻金與石金石尙可磨此心終不易妾  
有金錯刀不買珠與翠一笑向尊前願買郎心醉媚娟  
桃李花東風蕩柔枝見郎郎弗顧掩面啼春閨不關郎  
意惡自悲妾命薄

江漢亭百韻

安晚堂詩集

補編一

一四明叢書  
約園刊本

山川自高深開闢由邃古長江瀉岷橫亘截區宇東  
流爲沔津疏鑿仗神禹襟帶成奧區都會稱鄂渚環城  
得修岡雄勝著臺府上有江漢亭憑高欲窺舉雲譙護  
左方南樓以爲輔飛甍立巖巖纔去天尺五星辰近梯  
級嵐霏日吞吐橫陳極蒼茫萬象互昂俯晴光徹雙明  
景物恣枚數炊煙接空翠下列十萬戶棖棟出稜角闕  
闕分脈縷川塗競走集水陸跨重阻東南引湖湘西北  
控淮楚舟車所交屬人物森萃聚歌謠雜諧合來往紛  
偃僂溟濛塵蔽空揮霍汗成雨游蓋驚雲飄聯轡識驂  
舞驅馳溢阡陌時節相媚嫵裙袖醫朝日光曜燭綃組

憧憧蟻遷穴紘紘繭抽緒亭亭罍遐睎一一可細覩至  
如城中邊萬竈宅貔虎春秋謹教閱什什而伍伍紅旆  
羅旌幢中軍立旗鼓冰霜貫戈甲雷霆震弓弩後先嚴  
車徒坐作中規矩被廬猶膏菟少長悉有序禮成既飲  
至絡繹還所部俯瞰了不遺清流數舫鱖乃若天空澄  
江色入環堵雲水渺相接斜陽落晴塢千艘卧平沙片  
帆歸遠浦微茫泛一葉咿軋響雙檣報譚認檣烏航琛  
知海賈微陰轉層巒輕煙生宿莽棲烏絕重瀾歸鴻集  
寒嶼夜深漁火明孤州記鷓鴣晴陰與朝暮景色若誇

安晚堂詩集

補編一

二四明叢書

約園刊本

詡方春及韶淑鷺燕爭鳴乳桃李山新妝周張環繡繡  
脩眉橫柳堤遺鈿錯花圃孟夏熏風來草木自蕃蕪翠  
幄帷清陰密葉覆幽墅入林梯空旻影團修月斧露掌  
逼高寒金波沃肝腑隆冬雪紛飛瓊樓耀江滸萬花著  
林端晃不分細鉅茲維四時媚代謝聽寒暑榮枯雖異  
撰去來莫追拒彼動此靜觀羣魚沸鼎釜紛綸各狀態  
天械發機杼或如懷袖物俯抬恣所取或如海陸珍搜  
羅寄庭廡或如觀大駕旄頭先鹵簿或如親校獵玉虬  
控翠羽或富若武庫寶物窮積貯或麗若上林鳥獸羅



禁籟或紆若綺縠或列若篔簹或背若相違或進若相  
與或翫若興雲或林若率旅或驚若脫兔或拱若禮鼠  
或若鷄出埘或若馬奔圉或變若龍蛇或怪若猓貍或  
奮焉若讐或比焉若侶或矯若怒噴或偃若戲侮或賸  
若贏餘或置若資簞或聚散翕忽或縱橫旁午或禽聲  
咿嘍高下參律呂或人語叫噪歷落寫筐筥或以琴置  
膝絲音宜搏拊或時棊滿枰石韻雜珩璚或欹枕高眠  
胡蝶夢栩栩或相對啜茶舌本躍清語或暇日觀書腸  
腹自撐住或乘興飛騰醉後忘爾汝或卽境揮毫圖畫  
入練楮造物無盡藏儻來亦何忤俛仰已陳迹恍忽失  
處所達觀萃茲亭宇宙一柜黍斯亭名者誰儒林得真  
祖昔賢維南軒心學紹東魯瞻焉西南遊芳洲擷薜蘿  
遺墨尙淋漓隸刻照亭柱邇來三十年軒桷漸頽窳堂  
堂魏國孫玉節蒞茲土英聲凜荆揚盛事踵遐武曾侯  
廬陵秀一笑不齟齬風月喜平分江山藉宗主興仆追  
前修遺蹟游蒐補飛翬抗雄梁石花呈古礎荒榛得奇  
觀幽思發新籽公餘多勝槩往往壓諸庾賡酬駕元白  
光燄陵李杜領客共落成而我亦同組半生嗟鏤冰一

字不堪煮樂事紀末顯鴻筆媿燕許吾伊補書債款乃  
效漁父儻繼竹枝詞編入武昌譜

鄭德言親覩洛迦觀音相遂依所見繪畫朝夕  
嚴奉且求贊語敬題其旁

具足圓通性一念本昭徹佛我與信心是三無差別凡  
人未見聖如渴以河說佛身忽現前如水印秋月心清  
自開遮見根匪優劣念中有大士珠璣百寶結補陀洛  
伽相自在猶日揭是名爲正觀倒想作奇絕稽首圓通  
尊茲念無起滅非相亦非念不盈復不闕唯然觀自在

安曉堂詩集

補編一

四四明叢書

約園刊本

無眼耳鼻舌

送繼一郭處士

聖君如堯舜豈無巢與由計然亦何慕五湖一扁舟之  
人久不作側席思巖幽嘗聞鹿何君清芬徹凝旒重華  
錫嘉號見一光林丘誰謂雅道息競風日悠悠脫冠挂  
神武有士歸東州笑將金闔籍猛博處士裘釣天爲開  
顏曰此夷逸儔大書繼一字虹光燭奎婁宸章秩麟裘  
正聲出天球清名獎靜退下視古素侯睿謨光先憲婷  
節追前修況今輯眾雋丞弼登虞周明時樂閒暇出處

自不侔赤城宅仙子登陸方蓬洲君歸訪司馬坐忘春  
與秋方瞳照綠髮戲轉黃河流煙霞肅逋客隱者應輟  
糧款乃輔行色春風生柁樓

孟童子中異科而還來訪余於行都賜第輒贈

以詩

在昔昌黎公序贈張童子獨出超等夷芳名駕青史君  
門藹世勳夔軼西平李宗社方同休彪炳見孩稚天庭  
插犀角星眸炯秋水誦書如焦琴高下涵角徵朱門共  
駭聽洗此箏笛耳老翁欲筮兒眼看拾青紫一朝聞九  
關資予出周筐我朝晏與楊炳炳貴名起願子志遠大  
勤學踵前軌家尊我相知作詩贈歸騎

正月晦夕夢中作偈覺但記其首兩句遂於枕

上足之錄呈慧上人

是身本虛妄覓主了無得誰知日用閒顛到由六賊茫  
茫前後際生滅在空色賊去主人歸渾家不相識

因筆記賊入空室頌

平生一片癡妄意室中物自言富可待到了貧徹骨一  
宵入人家百寶認髣髴揀得真金身明處是泥物

惠墨

老龍卧蒼海千年抱明珠神禹決淮泗偃蹇不受驅怒  
走崧岱頂風雨撼八區亭亭立天柱化作青松株蟠根  
蟄九地融液如流酥嶙峋脫支節幽人拾肌膚虹光夜  
穿屋益突明膏腴芳薰漸凝漬元霜出冰壺糝以丹鳳  
髓摹以青龜趺擣以明月兔曝之暘谷烏或潤似玉珠  
或堅如金觚六丁下取將香藹流清都絳闕注僊籍白  
日飛凡夫借問何神靈黑質分龍軀干將昨已至莫邪  
復來趨二龍適脗合變化由其殊君看一滴水雙雙躍

安晚堂詩集

雜一

六四明叢書

約園刊本

天衢

和葦芷應直院送秋蘭韻

大椿凌千秋靈芝競三秀書傳遞誇詡垂芳古今宙貴  
耳但奇奇相馬失之瘦誰知楚醒花遠避漢金耐擇交  
得素節彼哉懷春誘夫君全德馨內美本吾有姑置芝  
與椿秋蘭歲相壽

東湖送藕與葦芷

草木雖無知葉落能糞本榮枯遞乘除苗實自穠稜東  
湖百頃蓮夏日傲趙盾州家浚河渠獮薶甚耘墾長身

萬柄荷髦梗付鋪春寒煙熨青鏡時有白浪輓水解毓  
仙骨根著泉源混外乾乃中腴下益寧上損游泥胎玲  
瓏多節竅渾沌園丁亦善沒擊波沸魴鱗象株忽仰浮  
登岸殊袞袞誰知絳縣塗可試平叔粉名非玉井船實  
過秋蘭晚殺菽雜燕豆菹菜補中壺交梨能養生護草  
亦忘忿空言出好事孰與津燥吻贈君擬條冰差勝羞  
藻蘊

林治中鄭廣文以詩來遣魯酒報聘拙語輔行

張公本喜飲半入野人腹南洲春夢婆亦復開醉目尙

安晚堂詩集

補編一

七四明叢書

約圖刊本

想晉流麗鼈飲更升木與來索老兵誰謂酌可獨我亦  
愛客至陶巾時一漉雖有彭澤田種秫苦不足頗因病  
入務瓢棄尙餘綠豈無大雅朋來伴雖騷讀廣文餐簞  
花和靖峙修竹交情如耐醇秀句喜心沃觴政嘗卜夜  
談闌屢更僕胡爲闕宇芝但憶頽山玉聊爾遣書瓶安  
得洗愁斛昔誇聖人中今愧平原督今歲家釀殊未佳杯手助  
持螯車涎笑逢麴青州豈烏有白衣問黃菊如臯應解  
顏對飲頰勝俗梅聖俞詩獨坐與婦飲頰勝俗客對何時赤壁游匏樽笑  
相屬欲歌鹿鳴三正若龜藏六飲冑遺公榮兩煩過御

叔忻聞麥兩岐況有魚百族小卻揖二毫觥船倒醺醪  
謝玉泉君黃伯厚和韻

卯飲貪引卮夕食不厭腹松醪澹玉池鬱尊傲黃目歸  
閒喜携幼欣榮對夏木頗笑屈原醒寧甘馬周獨詩筒  
發豪思江月欲戲漉每慶北海詠未羨西隣足槽規長  
吉紅蟻玩杜陵綠醉鄉擬續記書眼瞭可讀時康萬戶  
春興到七賢竹筵虛豔姬舞面想宮嬪沃別腸驅藥使  
健筆命騷僕居然得良朋清辭瀉壺玉習池可聯乘步  
兵有餘斛

步兵厨有酒三百斛

誰能酒限拘強效八州督今年小

安晚堂詩集

補編一

八四明樓書

約園刊本

麥好豈屑官廩麴嘉節迫蒲艾早計數萸菊客中真有  
佳眼前喜無俗賦殷金石聲光榮斗牛屬句到後三三  
人誰賽六六試編諸賢詩第以伯仲叔共成杜康傳更  
聚山中族萬事付亡何乾坤一杯醪

諸君和篇摩墨致師不容閉壁再續前韻

平生周伯仁耿耿空洞腹儵然猿鶴姿豈辨鳩鷹目僕  
射不解事居士偶題木種柳備成五樂園祇可獨皓首  
愧商隱湛恩霑浣浣城府百無有丘壑一已足詎省醉  
裙紅安識墜樓綠生經未渠諳酒頌聊喜讀耳熱聞秦

聲浪謂肉勝竹高陽有勅者盛氣如曲沃直須殿上飲  
撫牀僅喚僕競看槐揮金幾欲斗撞玉方丈食萬錢娉  
婷珠一斛豈復堪束帶靡徒揖郡督耆壽祝老饜嘉名  
豔春翹乃知梁州荀大勝伯始菊相逢作青眼洗去爾  
許俗冷然曲寡和尙有騎能屬元和一漁翁喜共學士  
六吳飲閒雅奏楚優效孫叔石鼎夏未央春空雲已族  
何當一會期清歡溢寒醪

邠原解劇飲雅名稱龍腹季倫殺爲嬉席妓敢嗔自有  
酒何庸辭恐謝蔣濟木但當攜酒去明花賞幽獨年秣

安晚堂詩集

補編一

九四明叢書

約園刊本

未足了

孔羣

聖米猶可漉

杜涼

愛展憐猩魂奪卮笑蛇足桂

漿有餘芳桑落見重綠諫遠衢尊投法置醕飲讀籌觥  
進蔽肴流觴屏絲竹未憂瓶罌罄但費匱盟沃勝事在

園林家務付兒僕

陶淵明傳

釀羔截肪乳魚風泣脂玉鍊句

丹九轉摘文泉萬斛競詆酒中賢抵看帳下督穿幘府  
前案障面厭方麴

楊慎語魯漫漢事

吹不落眼花

樂天

歸去采

籬菊華胥國遨遊無懷氏風俗登詩壇爭長破愁城相  
屬二簋用坎四三客敬需六共樂時方清誰言世之叔

相從孟公座寧別輔氏族

謂鄭廣文也

一笑祝諸賢行酌天

家醪

再和戲黃玉泉

黃公辭酒壚經筭捧便腹讀書飢鳶聲了了崇文目陂  
澄萬頃波巢寄一枝木戲題百姓眼自笑孤館獨轍涸  
聊相濡神液未容漉嘯歌非彈劔悒隘如蹙足文織襪  
尊黃句弦綺琴綠不見蟬杯持徒費爾雅讀坐對罌卧  
牆空有葉映竹枯腸但茶搜燥吻遲去聲膏沃主人如馬  
庾酒使欠猩僕封溪令事思折酤媪券欲訪義壤玉嚼茲鯨  
吸量眇矣龍釀斛靈根日灌溉詩課自程督試當閱醫

安晚堂詩集

精編一

十四明叢書

約園刊本

經薄釀借神麴共醉靈均絲未問長房菊飲興非有期  
衣曬寧免俗杯勺雖不勝嘔泄聽隨屬嬾疊陽關三冑  
競臬博六不飲但麥豆頗勝劉文叔醉騎黃犢孫歸玩  
墨君族子爲評酒名擬號安晚醪

謝葦芷和韻

無詩不言酒

荆公謂李白無一詩不言酒

作賦眞狂腹未破公子慳

況與佳人目壯心思擊壺聖杯虞作木

樂天啄木曲不如飲此神聖杯

袖想胡旋雙妝記搖手獨

見陳陶獨搖手行

寶筵乏酬獻醴齊

催涕漉爾衡辦搗鼓元崇方病足會無列屋粉空韻梳



鬢綠百篇謫仙詠十軸蒙溪讀見顧雲池陽醉歌有美建安瓌

競爽淇園竹芒端寒煥轉留次古今沃卧甕噙舍郎祭

酒可令僕漢侯射中興改祭酒時陳南北洗顏醉東西玉雖微醜

五斗端有才一斛詩壇長齊門筆陳嚴總督方將喝銀

雲未有平封翹李賀酒酣喝月使倒行銀雲櫛櫛瑤殿明陸龜蒙中酒賦拔酒樹平麴封宮

晏看傳柑帝歌須和菊德宗作黃菊歌翰林學士章綬奉和牛心固異撰

犢鼻且同俗尊酒日相逢我歌君爲屬歡期踐三五釀

頃虧十六樂府庾信對酒人生一百年歌笑惟三五王績有田十六頃悉以釀酒酣暢嗟

阮修飲狂謝裴叔裴叔則語石崇云飲人狂藥貴人以正禮窪尊雷古製長

安晚堂詩集補編一十四明叢書

勺分魯族居然同老襟淺斟醯水醪湘東有醯水故酒得名

### 謝鄭廣文和韻

鍾堂心醉經精神應滿腹溫飽非所志飲食不以目公

謂今人以耳而衣以目而食說詩稱解頤善問待攻木頗愁百斛量

孔庭惟立獨俎豆答衛問筐竈欠鄒漉見鄒陽酒賦曾子非

養口濈園且尊足時於清夜分酌以翠勺綠綠尊翠勺爲君酌酒

聊饒磊砢胸不廢吾伊讀每篇亦作句君之來詩每篇必有亦作語

如對記書竹相逢盞初傾一別乘重沃融尊慚坐滿魯

餽疎拜僕衛生不自寶抑首親忠玉囊無諛墓金米乏

佳傳斛厨煙爨人清蔬果園夫督粟耕收秫田黍釀用  
險麴解同杜陵襟期醉昌黎菊赤手當縛菟

來詩有白  
職之語

白眼謾嘆俗莊虛左氏宴觴有西子屬酒債負尋常會  
期遭百六要須中聖賢麻以展伯叔醉人無功鄉醒起

屈原族

漢徒屈招  
景大族

岸幘一笑祭共賦醞酒醪

贈已訥二老軒

青山惠  
安寺

吾聞壘者徒設教本兼愛釋伽宏其源方識宇宙大河  
沙與寶塔平等了無礙夫何佛法衰涉晉唐五代祖師  
南北分鼻孔爭譎怪傳流各衣鉢紛綸辦宗派爾來三

安晚堂詩集

卷編一

士四明叢書

約園刊本

百年餘轍日以隘教律復異門禪機亦殊解訂以大小  
乘森若立矛介虎豹自獐擲蛇龍相噬噉駕空樹金碧  
爾汝別疆界蒲盧學抱子嗣續植根蔕蝸爭競蠻觸夷  
樂騁兜佻裘屨無貳顏楚越隔肝肺天弢若羈束心奔  
堅莫壞之人良可悲賢愚固難槩誰知已訥公粲粲發  
眉采少年摻袂游瓶錫徧湖海是非不關耳窮達付長  
嘅晚歸耕石田禾枯將種稗唯有舊家山青眼終不改  
挂笠寄清樾編茅客欠噫目之維摩室而無天女在謂  
是龐公居似欠孔明拜強名曰二老當索形骸外泉石

日幽雅松竹森蔚蒼軒窗抱巖壑曾次絕瑕類睡起聽  
粥魚微雲初靈霽晏坐圓覺場忘言默相對二老容于  
軒須彌納一芥捨軒求二老怒風號大塊軒以二老名  
未免蛇足畫請更以不二免爲軒所賣我爲說偈言聊  
以贖詩債

東湖

誰將東湖光斂作大圓鑑千峯就妝束萬象互窺瞰紅  
消日腳明綠靜山影蘸我來一登臨扁舟聊可纜

次抱拙妾薄命

安晚堂詩集

補編一

十三四明叢書

約圖刊本

落花流水何紛紛三分春色二分塵黃鸝遶樹戀不得  
蝶蜂浪作花都巡昨日繁華今寂寞飄零多屬風雨晨  
金谷無人粉香死錦蹤繡跡俱成陳世人重花不重葉  
林園自此無精神東君年少時酷愛枝頭花庸奴桃李  
妾姚魏滿蹊未數黃娘家一朝棄背春風老懶踏長門  
堦上草芳菲特暫歡顏色不長好白頭事人那可期不  
堪重賦章臺詩

和鄭制幹謝借居且惠明樽醉螯詩

平生愛山林里居想王屋孤月自無朋斷雲曾不族詎

知嚴邊市儻有買誼卜西河就索居漆園問尊足翟門  
羅可去軻宅仁已熟似聞結駟多每見後騎屬魯臺時  
遺餽監侯已發粟競權王儉蓮有問顏公粥家貧願鄰  
富蒹葭欣倚玉顏容滑稽叟來造堂上燭猶能辨絲簧  
漸近不如竹濁醪恩嘉醞庸行參聖讀願爲善頌禱既  
醉備五福謀婦擬提壺敲門驚啄木持螯兩從事來就  
桑下宿美味均適口雙明喜增目命駕匪千里星言媿  
不夙聯句乏追韓補詩聊繼束終當效樂天駱馬爲酒  
驪

安晚堂詩集

補編一

十四四明叢書

約園刊本

掘偈調偃谿上人

昌黎先生入山裏大顛牢把數珠子松下經函著淨瓶  
照管習之飄卻水函郎滿擔江西禪行行勘辨鼻撩天  
偃谿爛嚼雪窻紙換卻舌頭別參起

贈許石田爲僧

平明對鏡長獨難子能脫屣彈指閒戲視此身如髦鬣  
冠巾擺落逃儒關千鈞強弩一笑彎萬錢買盡江南山  
厭渠世路車輪殷赤腳健倒蒼苔斑參寥佛印若是班  
江湖風月不汝慳汝狂方醒眾所護我獨見之爲三歎

辨詰孔釋語可削白雲深處輸君聞

靈隱慧上人惠詩爲古風以贈

貫休齊己唐詩人當時逸氣凌霄紳聲名疊庶通甫白  
幽蘭直與梅爭春誰知北面石霜老服勤杖屨皆終身  
二公所得當蓋世英特傑句風中塵至今傳者以詩重  
妙處反爲詩所溷弄翰戲墨雖佛事炊沙作糗成飢噉  
不欲詩工與字巧緒餘能奪道之真心宗一了萬法具  
辨才飛轉陶家輪君不見阿難多聞及辨慧呪語要敵  
摩伽神

安晚堂詩集

補編一

五十四明樓書

約園刊本

乍晴觀蠶房戲占

蜜蜂家計千頭奴日併花課供蜜租粉紅黃白各本色  
擁腫雙腳尻爲車採花歸來不知數一一到門如合繻  
方春乳房湧金屋子弟分王遺之國廣輪處處成甘州  
饒口嚙嚙不遺力蜜皮割盡到蠟屑畢歲辛勤用謀食  
秋深冬早未見春嗅芳咀華來藻蘋釀成餽糧香滿室  
日日飽衙知愛君問誰食蜜還主臣阜財富國今何人

和葦芷筍詩

我貧每笑齊之屬晚食雖甘未忘肉梅胞尙餘風折綠

溟滓餐英命騷僕藩籬剝彼羝角觸送似玉堂如楚東  
惡詩聊賦徐凝瀑妙句飛來漱鳴玉曾無導吏隨賈餗  
坐遣跛奚委葵菽茁芽勤視緣坡竹期飫伯仁空洞腹  
書賜膏腥士之辱得魚不敢餉羊續要和菜味勝山谷  
步趨強顏髮曲局盤有美茹無不足陋矣王芻箋淇澳  
老農喜說田家早缺月疎星穿木杪洗錚燎草作晨炊  
麥飯嚙甘蟲食蓼兒牽秧馬婦携笠泥滑不嫌春雨少  
平疇拍拍水連堤姑惡數聲天欲曉

田家

安晚堂詩集

補編

六四明叢書

約圖刊本

水急船行頗遲

湖流湍駛欲下瀨舟人挽牽如蹶張空令百丈重牛首  
如何萬斛浮龍驤進寸退尺天未定暮四朝三風作強  
遲明檣烏幸西望看取快箭激脩房

重賦章臺

楊花滿地飛蝴蝶釵梁露溼羅衣怯臉痕玉潤拂紅膏  
顏色如花命如葉鯉魚風起蒲葉香鴛啼燕舞春日長  
墮紅殘萼斷君腸悞逐浮波轉零落自古佳人多命薄

畫馬圖

房精夜隕濕洼水中有天馬變如鬼衛雲流赭登玉臺  
清風謖謖生雙耳無端遣入天子閑足底百竈如關山  
隔河唐將浴牝馬哀鳴頓足將奔還風毛雨鬣不自整  
宵顧苑北雲錦斑但有風稜餘度骨竊銜不管霜蹄蹶  
大星昨夜落旄頭好載闕氏媒突厥

舊冬得蕺蒿數十根植之舍傍今春逐可採擷  
輒持泚黃堂拙語先之聊發一笑

蕺蒿見錄爾雅篇族譜系出荆楚墟居人採擷不論錢  
橫道躑躅如車前物有貴賤所過然雞壅豕苓以帝言

安晚堂詩集

補編一

七四明叢書

約園刊本

世間何由正味焉嗜艾昌歆性所便冰壺先生藿羹傳  
敢驕玉食輕膏羶天隨酷謂杞菊賢一賦金石聲相宣  
玉糝羹芋稱蘇仙天上酥醅能比肩憶昔客授湘湖偏  
乍逢此蒿口流涎嚼寒冰玉香滿咽紺滑琉璃鳴貝編  
糝以豚膏軟如綿胞甘豐膩潔且鮮天花石耳羞爭妍  
木鷄退飛山之顛笑渠茅蕨成兒拳岸視棹圃眉宇軒  
七菹五菜誰敢先獨能兄事正版禪一別楚產知幾年  
孤根竭來植鄞川春苗出土含曉煙援條小摘喜欲顛  
古人千里方言還調葦酌之雙觥船枯腸慰滿藜莧綠

食芹而美不敢專遣送兵厨羞俎籩噴飯一笑質當邊  
靜樂用元韻爲勸學之什再和

士惟食志非食力於陵奚事親履織靜樂一門自師友  
質進不爲子貢息元仲季方從太上海內人士俱願識  
案上惟作羽籥聲室中定無鉏幣色申且督課如園蔬  
子夜程書過衡石舉似翁媪管其兒教育英才笑安得  
文獻超羣王謝家韋布當磨鐵硯壘

再和勸學韻

仕學優於服田力公儀之家廢葵織詩書爲府道德林

安晚堂詩集

精編一

大 四 明 叢 書

約 園 刊 本

樂在藏修洎游息濃薰班馬有餘香暗摸曹劉豈難識  
插架牙籤映隙曛近竹芸編侵晚色諸生競詒邊腹笥  
正音如聞孔堂石從知車馬自稽古須信鯢魚可兼得  
四科竄進惟尙賢欽想昌黎方讀墨

碧房行

冰蠶吐絲青唾茸天孫轉機聲隆隆帝家初裁新樣月  
蒼然正色摩寒宮一朝飛隨烈士手九關自此無剛風  
乘鸞女與蒲葵翁癡翁駮女誰爲容吳剛斧頭紅玉篆  
并州剪刀快如箭化工持此天然巧古壁團團照君面



長安四時生麴塵馬頭搖曳春風轉君不見醉李白窮  
杜甫當時西遊乘蹇驢太清獻賦動旒冕脫鞵笑視將  
軍奴奇哉二子真坦率朝暮黃酒黃公壚游蓋飄雲手  
遮日未省有扇如清夫清夫扇子僅盈尺買斷清風歸  
嘯廬何物元規敢相污醉中祇恐李杜呼我當吮筆和  
墨喚起文與可把君畫入李白杜甫圖

適得涵蛤頗佳遺餉菊坡因記曾作蛤子詩有  
文身吳秦伯緘口魯銅人之句戲綴前語代簡

文身秦伯甘斥鹵緘口銅人舌微吐借資墨客富濡沫

安晚堂詩集

補編一

九四明叢書

約園刊本

涵乃墨  
魚之鱗

骨醉神香登燕俎半熟含酒老饕賦此翁僅可

闢堂戶班班筒永帶神液入室真味翁未覩菊坡風裁  
黃豫章如食蝘蟬江瑤柱盤餐盡廢太瘦生格遠調高  
自清苦子蛤遺汝到眉按弩力去爲酒中虎諺稱海錯  
鹹者爲捉  
酒末下鹹鼓有何好猶莠蕞羹傲僮父海之介夫此小  
兒鷄肋見笑楊德祖前生曾作水解仙飛入珠宮飲甘  
露能今齒吻策餘勳一鼎松風漱寒乳

客有誦袁蒙齋得雨酬倡之什輒慶元韻志喜  
也呈虛齋使君

雷伯四月瘖無聲鳴鳩呼婦臈浴晴星如撒沙燈吐紅  
義和駕鞭乘赤明稚秧鍼水未入種秀麥浪畦猶習耕  
香車不動百龍蟄轉轉如織千蛇橫愛民太守心語口  
瘖我以早寧無生川靈有知龜亦許異物蜿蜒歸堂燕  
一雨果從方寸來此念端誠本天與但看父老歌豐年  
不用兒童學皇舞彌災有效樂已嘆哺民無異紫芝乳  
一年事在阿堵中四封笑溢迎門語我州濬野同淮徐  
公方有意六輔渠上天下澤鍾惠施千里波及皆君餘  
蒙齋詩成虛齋和我樂賦之如遂初坐對聯珠飽官粟  
則味失師授以焙藏之法必有以傳之笑謂非  
力所及漫成拙語解嘲錄以爲謝

安晚堂詩集

補編一

二十四明叢書

約園刊本

但有歡喜無欷歔祇今快續二賢詠不須乞米移顏書  
育王老禪屢惠佳茗比又携日鑄爲餉因言久  
曾讀茶經如讀律一物不備茶不出未論煮滄應節度  
第一收藏在堅密摘鮮封裏頃焙芳溼蒸爲寇防侵疆  
朝屯莫蒙要微火九轉溫養如丹房育王老慧老茶事  
新授秘訣乃如此幾番惠我先春芽竭來細問茶何似  
我初謂師茶絕奇十日之後如飲糜頗疑緇俗果異撰

良楛輒爲居所移吾言未終師絕叫爲茶傳法恨不早  
綺疏應合有司存料理如前毋草草對師大笑喜欲譁  
三年宰相食無鮭長鬚赤腳共井臼荒寒政類山人家  
展屢炊盡瓶笙吼何曾敬雪春雲走不如時扣趙州門  
侍者可人長摸首

安晚堂詩集

補編

三

四明叢書  
約園刊本

安晚堂詩集補編卷一

安晚堂詩集補編卷二

宋鄞縣鄭清之德源撰

宋錢塘陳起宗之輯

賜第登樓詩

避俗懶成癖登樓睡失魔忘機鷗自下開檻蝶相過高  
處景差勝靜中春更多君恩何以報歸夢欲如何

戲調長鳴鶴

瘦鶴雲霄志相從伴獨清可堪三經寂頻作九臯鳴博  
字輸鵝頸橫空避雁聲終辭華表去汗漫逐騎鯨

安晚堂詩集

卷二

一

四明叢書  
約園刊本

覺際間行

斜徑轉山腰平疇露稚苗雲低松挾長雨足浪宣驕宿  
鷺翔孤嶼歸僧睨斷橋餘成小立新月挂青霄

三月末泛湖

半晴陰更重乍煖冷猶爭墜葉蒲芽綴新蓴苻面生鐘  
聲帶雨澀帆力貯風橫客至雙飛鶴歸歟茗可烹

食蛤戲成

滿殼濡潮汐因沙產海滸文身吳泰伯緘口魯銅人雀  
化宜分雋蛙烹冑擬倫

蛙大者名風蛤

試呈饜賦手半熟酒含

津

菴前徐步

小橋銜石路安步水之涓浪蓋菰蒲伏寒禁笋蕨癡蜂  
房深戶牖燕壘漸塗茨過眼春餘幾延緣歸思遲

書齋獨坐

避事寧違俗端居悟及身親泓供媵御方冊替親賓室  
闌月闌入庭空花自陳所安惟適耳誰復辨秋春

東歸越上

急雨先聲入芰荷傍船魚躍弄新波東林黑白投林鳥  
高下青黃異畝禾村豎相呼騎犢背小舟斜艤問漁叢

安晚堂詩集

補編二

二四明叢書

約園刊本

秋來物物供吟筆不著黃秦可若何

桂花

香粟飛從月姊邊秋花無數總饒光清芬冒作椒蘭觀  
雅韻羞陪粉黛妍點就金丹篩雨露染成玉骨跨神仙  
餘芳更孕青青子相伴寒梅到雪前

金峩途中

石路縈紆水繞村酒帘深處見柴門橫塘樹密鳩攜婦  
老屋籬深犢有孫麥菘菜花成錦繡筍芽薤甲當雞豚  
竹輿莫作追程去半似桃源欲細論

奉題蜀邸五雲西岷峨保障

西望岷峨天一方誰教地險絕遐荒皇風已毒渾無外  
國勢那須別有疆黃鶴盤空飛不過金牛拔地去何長  
漢庭四海皆臣妾一曲歌風未忍忘

小軒偶成

齋餘宴坐息深深萬法皆閒境會心輕浪颭荷珠涵玉  
晴曦穿竹翠籠金岸頭舟楫人歸語檻外菰蒲鳥去音  
謾說陶車并謝屐如如不動勝登臨

村邊以湯婆樣惠示與詩俱來依元韻

安晚堂詩集

騷體一

三

四明叢書

約園刊本

惠中秀外更清便姪姪嬌羞二八年無奈畏途生衽席  
寧教寒夜折冰綿遣來勤嫗知君狀擬伴陪翁到曉天  
只恐花顛陶學士風流未老續膠弦

戲占

橫塘雨過水初平浪影窺窻一孔明籬下觸羝五鹿角  
林閒反舌百禽聲柳公權可送行客梅子真能寬渴兵  
誰道夏園如所有蓮花端可傲長卿

比以拙詩戲調張籍不知作者已盈軸矣輒和  
兩韻

展也虞朝庶績熙令修厥貢暨熊羆兕客于野雖非地  
豹澤其文似識時毛革正須供有用血牙安事殺爲嬉  
國僑惠政人誰犯虎聽多應謝子皮

虓虎寧如龜有知陸行端自觸危機縛渠呂布還須急

驅以王尋謾失威有使黔驢呈短技直教獵騎合邊圍

惡盈詎必分人獸猛獲終擒自衛歸

宋人請孟獲于衛  
石祁子曰天下之

惡一也云云  
衛人歸之

因會

古外切

來詩再贖原韻

組練橫陳壯士騷想因羽舞去窮奇千山白髮存公道

安晚堂詩集

卷一

四四明叢書

約圖刊本

十日清吟費老詩待伴易銷春有腳交光最勝月如眉

只愁無著梅花處東絹平章付伯時

續詩之寵依韻以謝

莫搜險韻續猶雅雪景須知雪後奇日絢寒光莊淨界

梅將真色薦新詩試敲折竹煎茶舌旋覓遙岑出黛眉

油幕輸君談笑樂聖杯正是一中時

題雪竇千丈巖

竝海危峯駕六鼉招提深處綠周遭膠松直上睡龍起

怒瀑飛來風虎嘯坐向亭空雲作伴待看身與月爭高

山靈意我酬清賞爲酌冰泉讀楚騷

思鄉味戲成

隔籬野圃特眠犢帶雨村春雞喚雛旋熟黃梁畱客住  
滿筩白酒倩人沽未諳旅況三分在早覺藜腸一半枯

寄與吾鄉譜鮮子

朱謙之  
有鮮譜

莫教辜負脆皮鱸

除夜求屠蘇

椒盤爲計定春前客裏那知歲籥遷行路閒關穿履雪  
薄官羞澀看囊錢媿無黃帝屠蘇酒試喝淵明種秫田  
德化彭澤鄉 令尹可人應拍手從教滿意作新年

安晚堂詩集

續編二

五四明叢書

約園刊本

贈陳童子

前身端合是王充收拾羣經貯腹中書吻可能如布穀  
筆鋒應不事雕蟲看來眉目真蘭茁攬取詞章作繡筒  
歸去莫誇童子牧好尋芳躅到蟾宮

山行

山行心迹已雙清驟見清溪眼爲明鬼谷洞前符竹在  
觀音巖下鮎魚行宗師宴坐空餘石龍女分流不作聲  
人影交橫到林薄綠煙深處一猿驚

正月六日早行松山道



五更河鼓尙橫陳小立晨光漸可人日出野鷄猶唱曉  
雪晴山鳥競呼春溪筠拂袖霜花落石路支筇蘚迹新  
慚愧明朝江國近買魚沽酒被征塵

送行詩

案題似有脫文

中年別意增懷抱昨夜秋聲到客船流水孤村鴉好在  
平沙遠景雁依然惜無繡口供吟筆只有尊羹愧昔賢  
付與西湖林處士重陽健倒菊花前

半生霜鬢飄萍迹幾度風餐繫柳船舞詠未忘尋里在  
去來翻似賈胡然先生自是今和靖林下端能友士賢  
二畝孤山應更好瘦梅疎影小春前

安晚堂詩集

續編二

六四明叢書

約園刊本

山房秋日卽事

雨後鳴湍走碧溪水聲秋意恰相宜窺蟬螿臂方衷甲  
啄飲鷄羣競濟師初月挂簷窻未覺新涼入牖簟先知  
西風早已催征棹管領蓴鱸入夢思

失驚牆外已飄黃屈指秋來十日暝暑寇負頑猶出沒  
風師未壯且翱翔橘包俸腹微藏葉桂蕾呈身只欠香  
掃盡暮天疑浴罷半眉畫月畫新妝

稻花經雨已脫白楓葉未霜先借緋入絳蚊牙干計巧

挂簷蛛腹十分肥田翁看水攜鋤去山婦臨炊抱蔓歸  
唯有詩腸無一字隔溪數盡暮鴉飛

晨興散步

軟紅銷盡利名韞輿到吳山取次行萬馬拍堤春浪起  
一龜曝日曉峯橫客中寢飯根塵寂雪後松篁意氣生  
身是定僧無欠贖惟餘雙鶴報寒更

僧居西畔鶴居南我向中邊住此菴歲晚結交松莫逆  
老來知味菜分甘禪心每向閒中得世事新從夢裡諳  
隱几空明香穗斷淨揩雙目對晴嵐

安晚堂詩集

補編一

七四明叢書

約園刊本

晚歲知非遽伯玉前身作脫戒師兄青山不灼利名火  
白髮能銷忍欲兵境對虛空全體現眼無揀擇內心平  
曉窻醒寂關何事到枕清鐘一兩聲

食後閒步

乞得閒身入釣臺柳眉舒盡見桃腮山中歷日花開落  
物外交朋鶴去來更展書窻延竹影贖翻隙地長梅栽  
春寒無賴欺霜履健倒應愁破綠苔

同黃制屬自延壽寺雨過禪寂寺

篋原注與掠雨到僧門帶得清閒一二分素喜堂中無

平聲

偃月榻來寺裏作穿雲赤心莫逆唯松友青眼相看有  
竹君燒葉更聯東野句紙窗鎖隙候晴牖

偶成

五物中間著一翁圍廬隨分可支筇章施采服花妝露  
憂擊鳴球竹嘯風疎種密栽觀木漸淺流深浚養泉蒙  
眼前巨壑無佳句自哂詩腸苦未窮

祈晴行西湖上呈館中一二同官

踏盡紅塵挹翠巒江湖清夢入雕鞍濛濛薄霧渾疑雨  
惻惻疎風不是寒野菊頻催花事早老楓初試葉聲乾

安晚堂詩集

補編一

八四明叢書

約園刊本

恰知病骨疑清景恨不浮家舉釣竿

曉色窺林半淡濃亂鴉飛去水漫空山橫孤霧殘霞外  
秋在微雲疎雨中官事卻能成勝賞詩壇端可策新功  
吳儂浪說西湖景蓬觀今逢蘇長公

偶於園中問訊梅友老幹數枝疎花初放有足  
喜者率爾有作

洗出金灘鎖骨沙種成老樹競槎牙冰霜歷盡肌生玉  
臆膈寒深影到紗舊歲枝頭新歲景十分好處一分花  
誰言冷圃惟秋菊春意撩人乃爾邪

宿翠山上

復與十里見青嶺行盡松陰得翠巖萬壑聲中清磬出  
一峯高處白雲緘茶新煮鼎作魚沫僧有可人能塵談  
自覺靈山緣竟熟佛禪重問後三三

暖風依日佐山行幾許春隨屐齒生溪舞綠雲苔出沒  
田翻翠浪麥斜橫閒中適意榮三事歲晚無年式耦耕  
一靜可能銷幻藥剩開胃次著崢嶸

旌德觀

癡丈移從弱水閒君恩伴矣得躋攀茗香壺酒成三事

安晚堂詩集

補編二

九四明叢書

新國刊本

巾褐枝筇佔獨班境勝亦能充道勝官閒何似在家閒  
元都猶有桃花在更向西湖訪好山

綠蓑青笠慣菰蒲錯認東湖處士居舟尾笑迎車後客  
渡頭催買網中魚水程趣戍半規日山意論交千卷書  
歸去重樓試凝望恍曾雲氣盡凌虛

余識頓雲岑已三十年晚居覺際又八載矣近

因山行疑接談塵偈語奉贈

嬾把無生話更參月移梅影到枝南身心識破夢中蝶  
頭角老來春後蠶笑斲野泉畦露菊巧尋煖地圃霜柑

蒲團睡足書遮眼貝葉叢閒會孔聃

調雲岑

戲將鵝弁博緇衣般若叢中膽作癡鵝頸百爲羅隱笑  
鷄林能辨樂天詩好從休處處求安逸莫向閒中覓佳持  
覺際湖山最佳趣藕花洲渚菊東籬

因林治中近有捕虎之役調以拙詩

豺狼當道實堪嗔就乳於菟哭楚臣馮婦下車宜衆說  
將軍射石見心真渡河應避馮河勇搏獸終歸舞獸仁  
他日朕虞須命益九官濟濟定相親

安晚堂詩集

補編二

十四明叢書

約園刊本

余自東山往金峩住山戒師迎於中途到上方  
泉石幽勝有心匠助天巧者因成數語以贈

一奩鳴瀑寫天紳怪石鯨奔欲化鱗靈隱飛來真相後  
真相乃金峩寺額 老坡重證戒師身居山活計今成趣造物工  
夫總待人自喜愛閒逢勝絕杖藜端不負殘春

贈談命陳總屬

彈鋏朱門歲月過生涯安樂偏行窩談天有口機關別  
處世無心笑語多自是君平忠孝在其如曼倩滑稽何  
一帆又作鴟夷去遙想江湖聽踏歌

三友

松號大夫交可絕梅爲清客志相同英英鳳實卑餘子  
楚楚龍孫過迺翁晚際一弓棗素月暑中千斛驪清風  
小軒正欲供晨坐付與遮攔曉日東

遣興

舟車覆卻萬變人雷動靜兩忘蟲臂聽渠得失羊腸何  
異康莊

出市得鱖魚成六言

長鉞歸來有魚狀似松江之鱸爲向東坡傳語醉臥黃

安晚堂叢集

補編二

十四明叢書

約園刊本

公酒壚

觀史有感

家令身危候國計洛陽讒擯涕流書都門祖帳何功德  
千古徽名說二疏

晚晴

濯翠篩紅獻晚晴爲渠日腳護歸程碧雲四合如相妬  
纔剩西邊一縷明

覺際偶成

自愧端平村宰相今爲安晚野堂翁君恩全付閒身世

山水從容一笑中

覓桂花於夷陵宰

月圃仙人試道妝風流六一舊琴堂遙知鼻觀盈秋馥  
乞與冰曹數粟香

東家竹屋最窮空不識簷花落雨中笑遣吳剛揮玉斧  
解令冷舍作蟾宮

謝送桂花

金闕眞黃入靚妝仙葩何事到鰓堂只緣風雨要人甚  
窄取旃林百斛香

安晚堂詩集

補編一

十二四明叢書

約園刊本

道眼如如了色空維摩方病散花中杜陵有酒勤相覓  
留俟清齋出梵宮

自嘲

我亦逢場因作戲要令竿木自隨身老僧不學面壁觀  
山偈隨緣舉似人

感事

退之硫黃藥成疾伯仁金印恩爲讐眼前世事盡如此  
十日峭寒春作秋

鳳棲方杖

矮柏老於周柱史瘦梅青似楚離騷推窗欲覓登山路  
無數青苔落鵝毛

晚景

斜照染成金色界嫩霞醺出水紅天箇中買得皆真境  
不遣詩人費一錢

一巖

一巖洞空掛雲山巧印穹蒼半壁環只爲廣寒宮殿遠  
故留闕月在人間

虹出

安晚堂詩集

卷一

十三

國朝詩集

約園刊本

輕紅淺翠抹弓腰高映斜陽跨碧霄半似一條瓊玉帶  
合成五色水晶橋

讀虞美人草歌戲成

心似合歡因恨結眉如別柳爲愁攪  
樽前舞影風能偃  
爭奈當年力拔山

太史報彗星沒

老彗妖芒欲蕪天王良見迫爲收  
鞭紫微一夜幾衡轉  
甘雨祥風到野田

旌德觀



半生東甬數間屋一日西湖十首詩回首風光少年客  
春山擁翠作蛾眉

調雲岑

佛法方當惡劇時偃溪笑裏袖鉗鎚不教管領千雲衲  
打徹頭關更問誰

聞蟬

人行沌口三程路蟬作陽關第四聲待到日斜蟬欲處  
無端促織替渠鳴

紀龍井上所見

安晚堂詩集

補編二

十四四明叢書

約園刊本

搖曳輕陰羃柳堤坳塘日暖漾鳧鷖無端崖下鳴榔發  
飛起一聲過水西

梅

粉面芳心碧玉裳特來苑作故山香征途不覺春如許  
更問蘭芽幾寸長

戲作窗蠅詩

曾記窗蠅古德詩笑渠未有出頭時驀然撞破窗間紙  
透出虛空未是遲

清明有感

井泉槐火幾清明白髮紅顏管送迎榮落智愚千古恨  
一時分付子規聲

觀王導傳作

江東老子惠之和九錫牛車慍蔡婆不殺伯仁君信否  
澹然推分意如何

食豆筴

西風槭槭草蟲鳴萬莢叢中詫瑞莫煮啖快輪兒女吻  
燃萁不忍尙堆青

蓮房洗硯

安晚堂詩集

補編一

十五

四明叢書

約園刊本

圓長已褪青雲子芳軟猶存綠玉房留伴陶泓共新浴  
要令玉頰沃清香

小憇上庵

竹邊深靜納新晴瘦策徐行足力輕曲檻負牆塵不到  
游蜂時寄採花聲

題東山上方

謝公雅志在東山一入黃扉不復還公去我來山屬我  
爲公償卻半生閒

題偃溪聞長老堯民擊壤圖

炊煙萬井著僧居人在康衢畫不如寄語偃溪灑淡墨  
圖中添我一柴車

泊黃檀

夕陽茅屋占江干風斂炊煙作暮寒閒看月光牛背上  
畫圖添我一橋竿

玉泉觀魚

金鱗玉翅舞漣漪雷雨休言變化遲尺水能開千里潤  
看來端的是龍兒

謝童天老秋蘭

安晚堂詩集

補編二

去四明叢書

約園刊本

楚曉春曾汎曉光直留雅豔到虹藏山中不把一枝到  
世外那聞千佛香

秋色追隨入慧光宵攜幽卉問行藏深林未省炎涼態  
來爲閒人特地香

綠葉青青

音菁帶紫光  
經有紫  
金光聚

拈來笑處沒遮藏密圓應

具楞嚴偈非本非空出妙香

湖風不順

推篷滉漾失船蹤萬頃玻璃在沌東政戀湖光挾山色  
知心龍伯贈橫風

聞覺際被風寄頓老

古德把茅惟蓋頂  
颺風飄屋等虛舟  
矮窗猶有蒲團滑  
也勝牀前衮雪毬

南坡口號十八首

十日南坡兩日晴  
時時不放日華明  
春光似妬閒人佔  
端的春風飽世情

天工忽忽度年光  
料理人間富貴忙  
閒裏何曾關造物  
一分風景亦收藏

誰將春晚作冬看  
添著綿衣減卻難  
道是麥寒猶未

安晚堂詩集

補編二

十七

四明叢書  
約園刊本

願渠麥熟且禁寒

休言無地起樓臺  
十箇花窠沒處栽  
東近比鄰西近水

且教紅白面牆開

欲識魚梁試作則箇看  
輕拋野淥罩清寒  
幾回漉起空

無物輸殺羣兒下釣竿

吾宗孫子喜相過  
一笑檀欒似樂窩  
且向尊中陪北海

直須閒裏識安坡

酷愛鳥鳴山更幽  
牆陰風雨但颺颺  
筠籠買得春禽語

不曾憂時也白頭

近得白頭翁善鳴

管弦不礙登山屐，梁肉何妨滿腹書。豈是清談愧夷甫，  
爲何阿堵繞吾廬。

試向清池放小鮮，洋洋圉圉忽悠然。枝人眞箇知魚樂，  
殺活機鋒總是禪。

分席春畦僅一弓，靈根移自石窗東。  
五味子生於四明山饒渠五

味誇仙藥爭似鹽梅正策功。

紛綸造化信多才，果解分風作去來。我向南坡一旬雨，  
春陰今曉爲誰開。

小窗白醉篆香遲，只有書君伴燕頤。料得人間無此樂，

安晚堂詩集

補編

卷一

約園刊本

殷勤獻與定牢辭。

枝筇挂起一旬彊，翦翦春寒到柳塘。白髮不公欺老我，  
偏於閑處引風霜。

記得兒時誦古詩，其甘如薺謂吾欺。淡交休恨相知晚，

攜向晶盤笑殺伊。  
牆根春薺怒生

曉來兩鵲屋山鳴，報喜多應只報晴。似爲東皇傳好語，  
故留勝賞到清明。

舊日都城飫子魚，一鱗今不到茅蘆。果然額上通三印，  
盡去侯門待鯉書。

安晚生涯冷似灰，別墅經營半月迴。  
誇與兒郎翁驟富，詩囊盈握送陳雷。

紅紅白白共支榮，怪底山茶有寧馨。  
倩得司花來判斷，不妨一姓養螟蛉。

和虛齋勸農十首

迢遞層陰曉自開，仙船花底問瀛來。  
文章太守非遊衍，爲省春耕特地來。

燕天妖焰萼初沉，朝汲仁賢簡帝心。  
未用鋒車便脂筆，小須千里偏春霖。

安晚堂詩集

補遺一

十九四明叢書

約園刊本

蔽日寒雲悄欲秋，仁風載路曉光浮。  
田翁攬抱兒孫笑，竹馬橫陳未肯休。

問訊桑麻眞郡政，案行松菊似家山。  
挽回和氣歸田里，只費齋鈴半日閒。

暇日棋書六一翁，錦櫓絲轡與春逢。  
年時豹尾車中望，山色有無知幾重。

曉夢吟成望帝歸，征鞍未許柳絲知。  
笑聽鶯嶺春禽哢，去博延英午漏遲。

醜顏醉客玉西東，半溼塵衫上翠空。  
鄰谷雖寒應解黍。

朱車面面是春風

小隊旌旗半道歸  
松陰緩策攬清暉  
女郎未覺褰帷過  
笑語相教著嫁衣

老黠山靈具六通  
解將蒼狗護奇峯  
虛齋自有青囊眼  
卻笑景純書未工

恰好農時踏翠煙  
睡龍驚起雨公田  
官程便作乘閒看  
不用扁舟學計然

三月二十四日自東山到金峩一宿而歸偶題  
壁上安晚居士自覺際航湖入東山道金文意

安晚堂詩集

補編一

二十四明叢書

約園刊本

行至此淡晴輕冷風  
策策有聲草樹清  
幽泉石雅潔如在天  
竺靈隱間深靚過之  
旣暮假榻瀑通夕  
喧枕始印管直夢成  
風雨詩粥魚鳴展鉢  
而去因筆一絕

橋石天台水谷簾  
峯迴秀擁更深巖  
我來便欲兼忘世  
少立清風爲拂髻

和白雲老禪二偈

閱盡恆河水上波  
聲塵何似泡漚多  
還師拍板鉗鎚後  
更唱誰家別調歌

簷鐸吟風月半凹黃金布地欠誅茅三更出日眞光景  
大好歛身正笠包

戲嘲杜宇

呼晴不似鳩知務報喜何如鵲愛人有口自鳴誰禁汝  
亂啼何必待殘春

游松山溪塘晴日蕩漾

紅染花稍未是真一川晴綠最關人誰知屬玉雙飛處  
占斷西湖幾許春

漁舟

安晚堂詩集

補編一

二十四明叢書

約園刊本

明月清風住釣船新秋世界落詩編漁翁若遣騷人作  
去宵食人間一點煙

卽事

微雲疎雨一分月折葦枯荷強半秋猶有遠禽飛不盡  
急翻孤影暮江頭

別僧

溪邊風景遠且平頗似江鄉雙眼明柳風浙浙荔日淡  
記取生還第一程

頤上人持瑩蘿月五詩見示因走筆和韻聊樂



睡魔

蘿月禪機莫強猜如來無去亦無來  
霜凝寒綠歸松鬢春染輕紅入杏腮

須彌境界舍方廣芥子中間見福昌  
但使有船堪載月不應無佛漫留堂

竺乾心法拈花笑洙泗家風鼓瑟希  
一問已應居第二更詢來處落三機

三更日出行千里百尺危竿到幾回  
遮莫分身兜率去聽從路滑石頭來

安晚堂詩集

補編二

三四明叢書

約園刊本

病著心華須佛治老僧眼纈要經遮  
忽逢蘿月五禪偈絕勝盧仝七椀茶

賜第登樓

桃李漫山不是春紛紛蜂蝶趁遊人  
梅花已帶春歸了分付垂楊浥路塵

病思歸心走兔迹自嗤幻境未渠忘  
并州便作咸陽看說若桑乾亦故鄉

登飛來峯

懸崖石路壁蒼苔川竇巖扉處處開  
信是拔山人有力

一掌擲碎總飛來

濃綠中間芍藥一朵

杏桃結子已成翁稚綠中間著毫紅階藥元來如許壽  
麥秋天氣露春工

夜雨

依風急雨墊秋清疎數無時總有聲最是可憐雲裏月  
幾翻雲翳幾番明

花閒見蝶

粉翅縈花幾度忙惜花長是爲春光爭如箇箇蜂鬚上

安晚堂詩集

補卷一

三三四

約園刊本

到處分甘作乳房

天育二老禪惠示經佛偈答以十詩

二老毫端一滴曹喚醒癡語亦叨叨更無慧可安身處  
作麼當時立得牢

餘塵明極強分離菩薩如來是阿誰既道本來無一物  
將何芥子納須彌

龍宮海藏自分明揔擗攤頭一任傾因果若還終不昧  
政須防作野狐鳴

書經猶有遮箇在畫佛何曾夢見來玲石玉峯雷雨過

梅花昨夜一枝開

三經已是太多羅州去休休更問婆箇裏幸然無一事  
何須終日把顰磨

四千劫來閒坐休忽拋長舌鬧藍頭若言面壁爲新法  
瞿老還須第一籌

懵懂維摩不二門略無遺囑付兒孫普賢若匪剛饒舌  
此事何如更吐吞

老胡無聖亦無言鷲指虛空喚作禪掌血條痕無著處  
誰教白地患青顛

安晚堂詩集

卷二

三

四明樓齋

約園刊本

般柴運水老龐禪佛法無多在蜜邊餅汝將來還與汝  
因師交點更團圓

生老年來病已深灸癥著艾復難禁六根四大元無有  
何處求師下一鍼

安晚堂詩集補編卷二

此集原闕五卷自第六卷至十二卷止祇存七卷乃傳鈔丁氏八千卷樓本也王阮亭跋語闕卷亦同是國初已無完本矣鄭德源南宋名相四登揆席當日有小元祐之稱其詩翹出時輩清穩樸茂未可以多用禪語薄之江湖後集收有安晚堂詩兩卷其中詩頗多集中未有者刊附於後名爲補編卽依江湖後集之例凡詩爲前七卷所有則留題去詩於原選次序仍不紊亂計增補詩一百七十餘首亦可彌佚去五卷之憾矣辛酉季夏之鼎識

安晚堂詩集補遺

宋鄞縣鄭清之德源撰

淨明院

郊壇齋宮

齋宿虛閒只淨明俗氛暫洗覺身輕半山雲腳炊煙溼  
一枕松聲澗水鳴對語老禪眞法器譯經新諦出僧繁  
歸翻貝葉蓮花頌猶帶招提月影清

咸淳臨安志

題雪竇妙高峯

陸地芳洲擁翠翹巨靈穿石滾雲濤搏空蒼鳳欲飛舞  
奔海玉龍爭怒號萬象橫陳坤軸富一亭平挹月輪高

安晚堂詩集

補遺

一

四明叢書  
約園刊本

獨醒未覺孤清景笑酌寒泉讀楚騷

延祐四明志

千丈巖瀑布

圓嶠移來東海梵王宮在最高峯試將法雨周沙界

千丈巖頭挂玉虹

四明山志

可齋陳大卿政成之暇蒐討河渠爲鄉國長久慮  
開萬世利非君侯其誰屬因效一得以廣盛心焉

四明瀛海壩大田沃多稼三江納行潦九穀偏畏夏治  
水宜講行時哉及閒暇方當暑如悵孰謂晴可乍十雨  
非所憂一暴良已怕東有錢湖浸寒玉渺無價西有它

山源盈科通晝夜維此兩支邑厥田俱下下問之何因  
爾水道無所舍河伯空望洋旱魃巧乘罅緬思井田規  
畎澮分激汙培浚儻高深怒潮敢雄跨官但督賦輿誰  
肯趨田駕六輔能卽功百泉豈難壩願言均此施利澤  
侔造化盡復淮南陂端可儕杜亞

再用韻

孔明本躬耕樊遲請學稼力田乃有秋暑雨敢咨夏聖  
賢每憂民孔墨不遑暇因思比歲饑可謂越俗乍豈惟  
農夫驚亦使達官怕倉無矯制發米湧在東價居然望

安晚堂文集

補遺

二

四明叢書

約圖刊本

豐年譬彼求時夜晝壤來福星上熟壓中下二麥賸割  
雲五莖紛繞舍苗根舒薤本黍蒼拆榴罅龍鱗原鏤勝  
燕尾水分汙毡獸將西成秧馬豈虛跨劭農收奇勳省  
斂不更駕豫爲鄞鄉謀復廣它山壩功比昔賢倍政隨  
時雨化願刻可齋詩端與雅頌亞

已上至正  
四明續志

安晚堂集輯補

宋鄴 鄭清之德源撰

濟南城李之鼎振唐輯

輯詩

詠六和塔

經過塔下幾春秋每恨無因到上頭今日始知高處險

不如歸臥舊林邱

瞿佑歸田詩話

荷花

一樣娉婷絕代無水宮魚貫出瓊鋪綠何買得凌波女

安晚堂集輯補

一四明叢書約園刊本

爲有荷盤萬斛珠

全芳備祖前集十

茶

書如色香倦猶愛茶似苦言終有情慎勿教渠紈袴識

珠檀碎釜浪相輕

同上後集二十八

上清宮

雨餘日脚到天涯十里平山戴晚霞疑是千虹蟠絳闕

頻移光景入仙家

上清山腹正便便騰納風光似輞川曉雨洗開新綠岸  
晚霞蘸出嫩江天鞭浮野竹數莖筍葉俯秋荷幾柄蓮

不是西湖最佳景更於何處著瀾仙

以上咸淳臨安志七十五

### 淨慈寺雙井

水神何時生六翮飛出雙泉江練白平湖浸月渺無邊  
一笑對之成揖客輓轡初動曉星橫夜捲寒瓊聲泔泔  
千年佛殿礎花乾十畝空庭蔭修柏問泉何事逞奇觀  
故向庭前作真澤昔年何塞今何通泉豈有心猶揀擇  
若云泉自井中來枯發沿山有龜坼如信地中泉自見  
是年何須穿土脈幡風胥動雨無憑細詮此證歸禪伯  
我方饒舌爲作記了不相干勞刻畫寄詩更欲結茶緣

安晚堂集卷四

一一四明叢書  
約園刊本

付與宗風自鎚拍

咸淳臨安志七十八

### 贈雲洲老師

嘉定丙子斗插申秋灰出管纔半旬我來適值蒸暑節  
燭龍吐燄扶桑濱炎官流汗走躑躅金烏啄火焚空旻  
溼雲擁岫呼不出火雲糊天挂赫日腦脂蓋眼壯士眠  
誰挽天河洗蒸鬱友人萬君家龍丘追涼共作招提游  
入門指點到丈室中有石壁清且幽半月泓澄鎖寒淥  
氣象淒切涵情秋淒然便覺肌骨爽恍疑石罅蟠蛟虬  
老師宴坐圓覺場一笑對客雙胡牀雀芽新試蠲眼湯



未到舌本先生涼懸河倒流揮玉麈果然驚出蛟龍舞  
須臾霧裏浮屠尖地墨天昏作風雨吻端造化轉寒燠  
約束商羊上天去雲開月明眾峯出指向巖前石應語  
歸來爲乏瓊瑤報清夢安排幾番到池角土花生碧草  
逗曉鶯前乾鵲噪我承佛敕爲行詞可拜雲洲老師號  
咸淳臨安  
志八十五

輯句

堅白雖占南枝先淺紅尤待北人識

紅梅 全芳  
備祖前集三

客裏不知春早晚失驚紅雨到牆陰

杏花  
同上十

安晚堂集輯補

三四明叢書  
約園刊本

玉昆相倚帶仙風壁立春前百卉空

水仙 同  
上二十一

國香不欲論家譜合姓孫枝作鄭花

蘭花 同  
上二十三

輯文附

理宗御書昭勳崇德閣扁記

紹定元年十一月癸巳制詔翰林學士臣鄭清之以昭  
勳崇德閣成宜書其事於石臣恭維皇帝陛下誕膺駿  
命憲章鴻烈翼翼兢兢思懋厥紹粵嗣位之元顧二三  
大臣曰洪維前寧人貽則垂裕規闕矩修子曷敢不迪  
有未輯者其議來上亟緒成之既而太常禮官舉嘉定

表章勳臣之旨以聞皇上曰都來汝相臣汝爲世臣協  
心同德保乂我宗社丕續光于文人其輔朕祇適先志  
式序前朝股肱之美以詔不朽維爾先正亦寵嘉之於  
是少師右丞相臣彌遠奉俞咨閱故府凡以功宗作元  
祀自韓忠獻王趙普至鄭文定公葛邲合文武二十有  
三人爰卽頌臺建傑閣肖像登繪洎寶慶二禩八月告  
成賜名昭勳崇德之閣親灑宸奎揭以珍扁八法端麗  
雲漢昭回煌煌乎續述之鉅典激勸之曠儀弗可尙也  
臣幸以鉛槧末學待罪北門鋪宏休對顯命職也敢拜

安晚集書

四四明叢書

約園刊本

手稽首而言曰自古先民遭時致主匪功之難德其功  
實難唐虞揖遜恭己致平誰歟贊襄皋夔稷契商周繼  
世創業守文誰歟佐佑伊傅周召弢弁端黻雍容治朝  
而奮庸紀績彪炳典誥皆篤實之光發於事業降及漢  
唐依乘風雲之士殫智畢勇以功著見固不乏人然書  
盟勒籍或墮厥終勳德之難并若此惟深純博大之器  
而濟之雄剛應變之畧卓犖奇偉之姿而居以忠實匪  
懈之志靜以蓄德而動則爲功人材渾成體周而用廣  
追唐虞儷商周跨漢軼唐者惟我朝爲然竊觀五代之

季彊字厖裂人物竄陋太祖皇帝更造人極灑濯多士  
蒸髦籲俊雷奮雲合豐芑涵濡燕及累世聖作明述垂  
三百年造區夏登太平恢中興代有顯庸流芳無極雖  
祖宗禮隆恩厚負異前代而諸臣之所自致有不徒以  
功名稱者論相業則培立國之仁語將略則本止戈之  
武固人心於綴旒維帝業於帶礪宏度淵識莫可涯涘  
至若擁立元嗣坐鎮危疑以措天下泰山之安輔成潛  
德決定大計以續聖代無疆之緒又皆忠貫日月功塞  
宇宙而謙抑韜晦身名俱榮非德之鉅者勲必全歟

安晚堂書畫補

五四明叢書

約國刊本

昔襄功之典法形貌書官爵氏名考其顛末事多遺恨  
猶以憑藉寵靈風示民宇矧如今日丕視功載龐臣碩  
輔忠烈純白卓然爲世標表尊崇昭顯輪奐翼如丹青  
炳如與國之禮樂憲度相爲無窮凡爾臣工顧瞻遐想  
欽乃攸則思紹阿衡之美式周公之訓以長我王家茲  
惟休哉臣旣敘其梗概作而歎曰大哉列聖之澤乎而  
寧宗發之懿哉寧宗之志乎而陛下成之誕敷隆指兼  
舉勲德以章旣往而屬方來眠麒麟凌煙之繪溟滓然  
弟之矣詩不云乎維其有之是以似之於千萬年永永

無敵

咸淳縣志六

### 論敬天之休難疏

敬天之怒易敬天之休難天怒可憂而以為易天休可喜而以為難何哉蓋憂則懼心生懼則怒可轉而為休喜則玩心生玩則休或轉而為怒

歷代名臣奏議十三

### 少游留題龍井跋

坡仙至錢塘特與辨才師為世外交師歸老龍井坡為作二志亭詩一時名勝多與之游瑰詞藻翰衣被泉石至今枯槎斷壁間奕飛動獨少游記文得元章書二

安晚堂集編

六八四明叢書

約閣刊本

妙相輝宜耀不朽而寺失其傳好事者闕然不滿紹定己丑得真蹟於戶書胡公規印以他米書不謬每念鑿之寺中以苴放軼一日語京尹趙公公斂衽曰前賢之勝韻不續實遺吾邦羞寺於何有亟訪堅珉刻之且捐錢百萬畀住山宗炳建樓植鐘新緇宇之弊於是龍井之勝若前賢之嫩如創見然余每愛少游支筇步月敲辨才門夜半清語殆非人間世今留題中寫澗谷經行登危憩寂之境衝煙破暝之態溪潺林影斷續隱見雖善畫不能及題識猶爾况記乎雖然微尹公好古博雅

則斯記未必遇雖遇未必遽赫然在人目余幸記之遇  
顯之速也於是借石忠書其顛末

咸淳臨安  
志三十七

### 御製真武贊恭書

臣恭惟皇帝陛下嚴恭寅畏惟典神天如鼓應桴有禱  
斯格真武聖靈於國家福祐最顯禁中尊奉端自前朝  
陛下加以徽稱讀以天筆海內莫不知所敬仰臣於龍  
山真聖觀因覩鑒義江師隆所藏真武聖像神采雄毅  
意非吳道子不能作遂俾刻石消摹本上進蒙御書聖  
製讀於上方於以傳示萬世與國同休

咸淳臨安  
志四十二

安陽董壽補

七四明叢書  
約園刊本

### 報恩光孝禪寺雙井記

即僧  
慈

水於天壤間無所不通然有聚焉有會焉余望洋向若  
則湖者水之聚江者水之會也錢塘左江右湖湖濱江  
岸湖之泉皆有所麗而不克以自立方雨盈於澹瀑飛  
於山濯煙嵐而走塵陌汪洋衍肆可淵而澹可瀆而注  
可汜而環也至於遙岑不雲平畦斷遂水之行乎地中  
者江湖實驅而有之或未旱而綆汲價雖靈山福地不  
免焉淨慈爲寺甲於杭負山面湖出清泚而瞰滌淨宜  
若不啻於泉也而鏗鯨擊鼉千衲頤哺齋盂茗碗漱風

嚙月掇掇乎晨夕之供水之畔湖而私於井者不給則  
取餘於湖山君憇然法薰之來馭禪以律而梵槩嚴約  
眾以己而緇計裕增舊濯新無一或闕定餘周視其庭  
慨然歎曰美哉山序之有斯刹也而猶病於汲以錫叩  
地而祝曰井於斯泉於斯眾粲然笑謂是信有泉耶薰  
弗爲畫亟召工具舂鋪刷佛殿之前隙爲雙井對峙未  
尋而液未丈而溜及泉而噴湧既甃而泓渟不與時虧  
溢胥異之噫斯泉之所以異者涵翠麓之寒清竅靈源  
而獨出非假道於江而借資於湖也其潛也如避其見

也如期深以蓄其德高以下其施其猶特立之君子而  
能擇其人者歟是可尙已薰復崇二亭以賁其上而謁  
記於余余辭曰孤山六一泉實歐蘇惠勤之勝跡故以  
泉名於湖茲泉也固非偶然者若重以記無嫌自詭於  
先賢乎薰曰天一生水而地以六成之蓋未始無配吾  
將進雙井而友六一則孤山之泉不孤矣否則歐蘇笑  
人寂寂於記乎何遜余無以辭因識其顛末而繫之以  
銘云水胎於乾而育於坎凌高沃深不召而感彼悍而  
恭以血飲兵屬韃一呼枯蟄儻盈相是幻泉爲德之乳

寂以心法如子得哺昔泉之悶蟄於九淵垢祖渴祖爲  
薰出焉清夏燠冬蒸雲化雨澤我大地洗眾生苦我笑  
謂薰口吸西江一滴不嚙付此井雙

咸淳臨安  
志七十八

靈芝吳福寺撥賜田產記

浮屠氏學以空爲門放乎一世之表以之羣居則肆故  
莫難於律律以畏爲宗動爲萬物所縛以之謀食則拘  
故又難於養以律名者眠曰禪曰教不能什之三釋之  
從事於斯嘻亦勞矣杭之俗佛於錢氏結廬徧人境獨  
靈芝爲古刹刹負城闕而挹湖山宅幽竇勝足以囊括

宋曉齋集輯補

九四明叢書

約園刊本

雲水頭指煙霞游方之士一望輦轂之下首以爲六月  
息之地終冬始春履盜戶外無虛日客有過而問曰是  
能蟬蛻塵埃餐沉澁乎熊經吐納服汞鉛乎將飛錫行空  
乎抑面壁坐忘乎若猶未也則鏡寒碧倚蒼秀幾何不  
爲殷蠶之藪耶語未既有老衲笑於旁曰客何識之隘  
耶吾法有大神力獲於無盡之田殖於不貸之圃坐致  
香積如天雨花方將屬厭方將鼓腹雖然有由也自吾  
宗師久公以耆年清德爲今太傅樞使大丞相魯公所  
知來董法席學子麀至庖煙屬雲間傾困輟金憂執事

者師謂吾有化菩薩爲天帝釋輔方出現世間能續佛  
慧命誠爲汝謀其方他日見魯公誦之不俟詞畢請諸  
朝界戶絕之田七百畝有奇而粟磷磷矣復出私錢二  
百萬易沃壤爲畝二十有五而茹菁菁矣時紹定元祀  
也於是踊糴之歲腐紅積倉隕霜之晨寒綠蔽野鍾魚  
一震泉石皆七箸聲收鉢敷座則相與歎曰大哉我公  
之賜也繼自今食焉而不營居焉而不絀庶無負吾律  
乎久句記於余有以其說告者因筆之以贈且爲之言  
曰公之霖雨四海潤澤羣生也如水行地何適不通至

來晚堂集補

十四明叢書  
約園刊本

於鑿井得泉直溟渤涓溜耳公於此奚心哉然安居而  
暇日登高而四顧湖之水清且漣漪不可以療飢湖之  
山蒼然翠碧不可以爲食旣飽而嬉繁公之德山有巔  
而水有涯公之德分無極僉曰然請以是登諸石

咸淳  
臨安

志七  
十九

### 白公竹閣記

竹閣白公樂天之遺蹟也按唐史及長慶集樂天以中  
書舍人出守杭暇日有宿竹閣詩此竹閣之始見也又  
按東坡集白公竹閣在孤山廣化寺與柏堂鄰此竹閣



之所在也東坡至杭嘗爲賦詩有古寺無人竹滿軒之句此閣至我朝而猶存也六飛南渡紹興間以孤山爲四聖觀有旨令守臣遷竹閣與寺於北山此竹閣遷徙之大略也天府雄劇曩以能政稱者猶百適是懼閣廢不治漫弗嘗省今京尹戶部尙書袁公韶填荆清暇援其舊以請廟朝悅從之畀以成材亟舊規度眠昔倍從此竹閣之旣圯而復建也先是上美公治行冠履後前隆以職秩而久其任歲更三問吏肅民和服習其威惠勸趨其唯諾凡所營繕落成而後人知之修卜植偃徧

安晚堂書

十二四明叢書

約園刊本

於四竟西湖最章章焉頃旣哀此邦之先賢廬以層厲討其軼闕碣而贊之祠而祝之三賢之堂水仙之宮左右映發清標獨韻衣被輦下神州奧區山加秀而水增明矣公猶欲然搜攬幽邃網羅放失而竹閣之建與寺俱新鏡清流屏翠巘晨光夕霏千態萬貌撫物興懷樂天如可作也公方以碩才用世助熙庶績則表賢厲俗首善始於京師是不可以無紀公不鄙謂清之俾繹樂天所以繫邦人之思者壽之於石清之旣輯顛末於前復爲之言曰召南之棠峴首之碑白之渠預之橋惠也

人思之宜也若子陵釣石鄴侯書堂庾於樓陶於菊寓  
也人思之何也賢者所至其游居憩笑之所人必錮而  
留之有甚於肖形履武者不然章華鹿祁之麗偉阿房  
驪宮之雄勝闐闐陰陽吞吐日月既埃鉞而無餘樂天  
之間墁以白雲黼以淥淨被以清風與煙颿漁屋相爲  
隱見直南柯一息爾乃數百年而復顯樂天文章氣節  
固昭然莫掩者杭之多秀民也詎能人誦其詩戶觀其  
傳而一談樂天奕奕若前日事斷碑瘡墨流落野亭荒  
寺閒過者徘徊顧瞻雖墮天胡買亦摩挲歎息而去樂

卷之三

十四  
約圖刊本

天莅是邦獨治湖浚井見於紀載非有大功捍大患而  
人愛之如此吾是以知竹閣之賢於靈光也方其自放  
於寬閒之境幅巾短簟逍遙事外吟肩茶吻視圭爵幾  
於齋物我泯智故豈自知人閒世有樂天者况閣乎噫  
古今之變多矣陵谷之屢遷人物之數化廢興代謝相  
禪於無窮而賢者之名終不磨滅是必有以致之後之  
登斯閣也挹香山之高風思京尹之雅德當相須不朽

云咸酒臨安  
志七十九

石壁雲洲記

韓潮州生平詆佛海上從大顛語藩拔級夷曠然忘儒  
墨畦徑蘇端明文章風局軒豁宇宙至錢塘逢辯才師  
意所領會如印印泥二公龍鸞鳳翥未易迫近乃獨於  
邂逅之整棄其所挾待釋子以莫逆交則知五經之外  
六合之表別自有人也余夏杪來自成均寓龍丘萬君  
舉之一日逋暑相與尋並山佛廬遂至所謂慈照寺者  
有龐眉老衲肅客入西至石壁下丈室中修簷蔽日曲  
池橫前風蒲水漪意態蕭爽小定毛髮灑淅如窮秋露  
曉坐水邊籬落間執熱快濯未暇別語余與君舉據胡  
牀熟寢既而黑雲壓浮屠上雨四面至師笑曰寒暑一  
變可起矣余竦然異之試叩其意橫貫直驚援引旁午  
纒纒可聽少焉雨霽月影移數弓暮鐘東西起對語未  
倦俗累暑氛洒然俱失余始知有世外味爲之留再宿  
而歸師臨分戲余曰來暑去涼何以報我余周視其身  
如焦穀石女無一可以答師之意者請以子墨客卿助  
作佛事因取退之家彼吳洲雲之句扁其室曰雲洲而  
紀其顛末韓蘇方神游八極安知不聞至人間乎苟見  
余文以爲非是則大顛辯才可并按也亦以發千載之

一笑云時嘉定丙子閏七月也

咸淳臨安志八十五

乞將史衛王配享寧宗奏劄

臣竊觀古今天下之事不早正於一時而貽患於數世者獨見之主憂國辱之臣所當深思而逆慮之國家自肇造以來聖君代生賢后世出太祖太宗兄弟相遜高宗孝宗父子相遜此于堯舜僅見而三代所無有也是以家法治法遠過前代相臣將臣謹守忠節迨至元祐哲宗御極宣仁臨朝母子之間初無異意新法之改實當人心亦神宗之素志也未幾而小人基之倡爲紹述

安晚堂遺稿

十四四明叢書

約園刊本

之說自詭援立厚誣先朝遂致京黼交毀我室豈眞風雨漂搖之變哉蓋當是時正人國無仁賢不能早正明辨絕履霜堅冰之漸弭東蘊燎原之害靖康噬臍亦何及矣恭維藝祖皇帝在天之靈系隆正統使孝宗旣作于前而陛下復啓于後萬世無疆之休方自此始初潛之建繼照雖出于寧考之定見陛下之無心而實基于故相史彌遠之忠慮培根沃膏非一日矣至於茂陵憑几慈聖垂簾當中外危疑之時有風雨呼吸之悲乾龍御天朝野愛戴直頃刻間耳所謂垂紳正笏不動

聲色措天下於泰山之安彌遠有焉使事幾未判之前  
有毫髮幾微之露將如李泌所言必有就舒王求定策  
之功者臣自聆彌遠淨慈佛閣之言橫經潛邸日夜兢  
業惟恐於魔寐泄之況是時臣於濟府講官盧子章並  
居臣恐其密有啓白俾臣男易服來往於濟門之外伺  
察動靜忽以赫遞報濟將入禁中已促前馬矣彌遠亟  
遣人諭以朝廷方舉行奏告禮不宜深夜駭驚觀聽濟  
乃掩關就寢彌遠始獲一意區處詰旦事節懼有屬垣  
者卽撤去屏障今四面洞然就坐中堂儼定進封節次

安晚堂集

五十四明叢書

初國刊本

指揮討論垂帷典故商確詔文語意雖韋蠅莫知也曉  
鐘動彌遠趨朝如常時密疏椒房集禁乞於簾前有所  
陳說旣見力請舍昏立明以決大計慈聖答曰此先帝  
素志也當時簾前所奏之語臣嘗見彌遠錄本自合進  
呈付之史館而彌遠以言功爲嫌止藏於家臣端平去  
國乃有忌賢嫉功之相誘他執政子鑿空傅會妄飾甌  
函賞緣以進而宿姦詭智又爲之羽翼誣言簧鼓聖聽  
雖聰一時之褒贈不顧百世之是非亟取正史勒之事  
實歸功政地使彌遠若無預者臣嘗觀時政記無一語

及當日時事爲之短氣拂膺而衝冠也韓愈有云天地神明昭布森列不可誣也代邸一節在下者獨彌遠宅之與臣知之而謂執政先時與聞者實爲欺天罔人之說陛下篤念彌遠豈以私恩爲哉蓋安家所以寧天下存我所以厚蒼生聖明嗣歷迺洪宗億萬年之統緒誰力是賴霍光雖非伊尹偶而後日稱之必曰伊霍以其事同也彌遠已沒宅之又亡臣今日既無狗情締交之嫌獨有憂深思遠之慮不早辯之則異日使巴陵之邪黨復祖紹聖之故智變亂白黑巧飾異論如邢恕輩覆

家駭案集辨

十六四明叢書  
新園刊本

出爲虐我國家豈堪再壞耶臣爵位已極光陰無幾凡世間事一無覬覦獨以國事爲意出於一念之烈有不能自默者平淮西碑不言李愬功一軍士猶能訴之臣受國厚恩具知始末可不直書其事爲陛下告欲望聖慈以前口所親歷者隱之於心驗之以事明紹統之公義略報德之私嫌特降御筆以故相史彌遠配享寧宗廟廷取嘉定末年國史從公釐政以正春秋謹始之元以圖紹興誣上之禍宗社幸甚

四明文獻

書南豐黃大受露香拾稿

杜審言黃亞夫之詩皆因其後顯文章有源委哉南豐  
黃君伯厚仕於鄧以詩鳴搜冥抉微時出新意不肯爲  
籛下語暇日出一編詩讀之如行澗谷秋空月曉松竹  
策策有聲余固異之已乃知其先君子之作源委深長  
矣而再世屈於右階會有知王適者其勿督過一丁字  
淳祐改元夏五吉日洞霄散吏鄭清之書

南宋羣賢小集

四明叢書

四明叢書  
約園刊本



四明叢書

四明叢書  
約園刊本

四明叢書

四明叢書  
約圖刊本